



馮李沈補隅先生著

雲錦齋詩鈔

金容德堂藏版

序

自昔登仕版列科目而工詩者每自編其集以流
布天下傳之後世至布衣窮約能詩之士身名不
顯事蹟易闕而積厚以流久久自耀卒亦未嘗不
傳蓋其襟懷閒曠不染俗累又多暇日以博覽載
籍通達古今舉凡天地名物隆替得失之故窮至
其理瞭然心目間或飢驅走四方名山大川偉觀
古跡無不探尋考索觸緒興懷其蓄之也深故發
之也大竒光異采磅礴鬱積有不可磨滅者非徒

序

曰窮乃工詩也余舅氏沈補隅先生幼即能詩心所篤好遂屏舉子業專攻六義不樂於仕進年三十游京師與當代詞人交繼歷趙豫兗江左右楚蜀為諸侯老賓客凡流年之閱歷足跡之登臨與夫心坎中所悠然獨會而追印之於古昔者盡舉而歸之於詩六十外歸老里門與素心人日相倡和貧至不能舉火吟詠不倦卓然成一家言歿十餘年子孫零落遺集幾散佚吳門沈尚書歸愚先生偶見數篇登之

國朝詩別裁大為激賞茲同里金子際和其尊甫與舅氏交最密金子篤嗜其詩爰收彙為一編付剞劂氏將垂之不朽是殆所謂布衣窮約之士能詩而不可磨滅者耶工既竣以沈為予所自出知舅氏最悉請弁言於予予嘉金子之好文嗜義而喜舅氏之詩之顯而傳也是為序乾隆二十九年孟夏愚甥陸樹本拜撰

雲錦齋詩鈔卷之二
序
余於辛巳三月登華山時大雪初霽自青柯坪以
上雙蹠俱埋雪中過蒼龍嶺則在冰上行十步五
躓足凍欲僵質明扶掖下山所過名勝僅僅領略
一二安從得謝朓驚人句哉今讀閒田詩險覓狂
搜左觸右激烟雲縈於腕下風雨出其筆端余今
春始獲盡攬山峰之勝覺希夷先生呼之欲出矣
袁中郎記謂表裡純骨惟華為然骨有態有色塊
而獰病在態黯而濁病在色華之骨如割雪如堵

序

余於辛巳三月登華山時大雪初霽自青柯坪以
上雙蹠俱埋雪中過蒼龍嶺則在冰上行十步五
躓足凍欲僵質明扶掖下山所過名勝僅僅領略
一二安從得謝朓驚人句哉今讀閒田詩險覓狂
搜左觸右激烟雲縈於腕下風雨出其筆端余今
春始獲盡攬山峰之勝覺希夷先生呼之欲出矣
袁中郎記謂表裡純骨惟華為然骨有態有色塊
而獰病在態黯而濁病在色華之骨如割雪如堵

碎玉天水烟雲雜然綴壁數語評華山最當移以
評閒田游華山之詩亦可肯康熙五十七年歲次
戊戌除夕固哉叟高孝本識

序

杜少陵望嶽崔顥行經華陰李洞華山諸詩是皆
望而未登也許渾丁卯集中經潼關驛樓詩凡三
見太華逼近潼關而用晦反無一語蓋華為天下
奇秀又峻拔艱於登陟故遊者不易而詠之又非
才力小者可能副也今補隅身登太華之巔徜徉
縱目作信宿遊即無題詠亦足稱豪何況結撰五
七言歌詩多至二十餘篇超然工妙校唐諸賢遠
望描摹固當高出數等宜為鄉前輩高丈大立西

冷陸鎮同學汪惟懷交相贊歎余何敢綴詞以蹈
輕塵足嶽之誚獨歎汗漫遊踪與補隅相似三十
年來足蹟幾八九省凡所經見名山徒飫老眼無
一字紀之讀華山詩竟不獨濟勝之具抱愧補隅
而已也同學弟曹曰瑚謹識

傳

先生姓沈名廉字補隅號閒田嘉興人少穎慧博
聞多識讀書別具隻眼厭制藝束縛棄去為韻語
初學子美繼學昌黎嘉禾固多鄉先輩先生以弱
冠倡和其間未嘗作三舍避家本貧不惜為萬里
遊初至蜀方伯劉公青岑竒其才延入幕劉公夙
負詩名性耽吟詠與先生倡和無虛日嗣後名益
重交益廣川撫年浙藩佟俱以書帛招先生辭不
赴未幾撫藩幕友多以事被累而先生之見幾明

決何如哉平生謁孔陵臨泰岱渡瀟湘登峨眉閱
穀函之險要弔秦漢之故都並覽終南嵩華太白
武功之竒勝蓋足蹟幾徧天下以雄偉豪邁之才
復得江山之助宜其詩之進而日上也先生曾同
張丈木威客武昌以詩贈別吳青霞有云關心鱸
膾秋風早揮手河梁落日圓木威易早字為半字
先生稱為一字師則其虛懷若谷尤為近人所難
者平生館貲約數千金盛年遇戚友匱乏不惜傾
囊貽贈晚歲歸棲息江鄉以致蓬華蕭條責逋踵

接而向之沾澤者無一顧問然先生絕不介意也
先生素工書法晚年信筆揮成蒼老有致辛未仲
春余請書書齋匾額得登先生之堂時先生年八
旬有二正欲以詩就正而先生竟以病奄然歸道
山矣辛未至今已十有五年濮君元芳以先生遺
稿屬為校正因就先生所定之本付諸剞劂并為
傳一通以志先生梗概焉昔乾隆旃蒙作噩歲寤
月厲陬日同里金永昌際和甫書於凝雪書屋

雲錦齋詩鈔題詞

同里濮祖型元芳

六經詩垂教立言道為綱先生才八詠擲地聲鏗
鏘詞章未鐫刻不脛走四方書法絕圭角瀟灑大
蘇亢巨作簸箕形小如簪花粧壯遊天涯徧諸侯
迎趨蹌長安計十上岷嶓三陟岡華峰及蜀道流
覽歷瀟湘山川恣笑傲烟霞寄疎狂逮晚依泉石
杏花酒旆香哦詩復清酌天機樂徜徉幸予桑梓
近日暮過村莊曾憶辛未夏携稿屬收藏豈知未

期頤秋風返帝鄉杖朝踰二歲羽客引翺翔

先生易簣

日云有二羽士相逐

遊子痛行役哀耦悲參商淒咽雙溪水

冷月照書堂更念東臯社騷壇誰主張著作匡中

貯已閱幾星霜我友際和氏馳驅翰墨場雅望欽

圭璧文藻叶笙簧日事搜羅富縹緗充畫梁初與

先生契忽焉凋謝傷編校身後集大雅恐淪亡一

朝付剗剔千載精華揚春雷發秘響斗宿騰奇光

知音感地下子雲詎渺茫巨製寧終沒清裁自孔

彰挑燈展卷讀曷禁深慨慷



胸中洗盡九州埃
載酒空山踏雪來
無數梅花春似海
天應特為老狂開
老來面目減神明
空有三毫頰上生
聊借詩天最佳處
飽濡醉墨寫生平
梅嶼雪飲圖毫叟沈廉自題

凝雪居士金永昌書



雲錦齋詩鈔總目

卷一

五言古詩二十四首

卷二

七言古詩二十一首

卷三

七言古詩二十九首

卷四

五言律詩四十一首

卷五

五言律詩三十一首

五言排律三首

卷六

七言律詩四十五首

卷七

七言律詩四十首

卷八

五言絕句二十首

六言絕句二首

七言絕句六十首

雲錦齋詩鈔卷一目次

五言古

龍背洞

魯連臺

程雲巢出霽水試茶漫成長句

讀歐陽文忠學書作次韻

京口述懷

題武昌試院樓壁

游子吟

朱邑墓

柴關嶺

紫栢山

滴水舖觀瀑

重赴都門留題菜圃

飲酒

西峰劉道人年八十身輕健步殆修煉有得

者精於談易相與憩松下語移時而別

花朝前一日集西清書屋

客西冷聞樸兒頗知讀書詩以寄勉

季春集飲艸堂即事漫述

秋夜獨飲

感懷

菜

秋七月同張浦山觀趵突泉旋訪歷下亭有

感舊游用謝靈運富春渚作韻

來青軒納涼同吳青霞吳繡谷作

珍珠米

程曲齋老友為余錄拙稿復繫以詩重加引揚讀之滋愧爰述長句奉酬

雲錦齋詩鈔卷一

嘉興沈 廉補隅著 同里金永昌際和校

五言古

龍背洞 一名葱嶺

江聲走嘉陵葱嶺截高控嵌空石欲崩挂壁泉疑凍境險山愈竒造化為磨礮藪篁匝歆厓蒼藤絡危洞登登怯馬蹄千尋引飛鞚曲磴作龍盤蜿蜒勢如縱萬木揭天風衆山撼欲動移時散幽襟低徊聽鳥弄雲氣忽下罩蜀天渾在甕涼陰慄毛髮

雲錦齋詩鈔 卷一
旅行欣且恐路轉逗鐘聲拂衣目猶送蒼翠滴紛
紛為我洗塵夢

魯連臺

魯連天下士世亂持高風諸侯不得友睥睨宇宙
中為人解紛難詎屑邀竒功退燕一紙書談笑無
英雄聲消笳鼓勁塵捲旌旗紅蠻觸不復逞殺氣
消蒙茸至今留高臺俯視青海東落日莽蕭蕭望
古嗟何窮先生不可作千秋仰神龍

程雲巢出霽水試茶漫成長句

食肉固多鄙品水匪尚潔雲巢淡宕人聊以此怡
悅自言梅黃時奔騰雨如決陶甃運齋前一一當
庭列青幔承淋漓糟床注不輟山童屢顧盈手把
踵為蹶藏之逾醇酒歲晚益澄澈寒沁玉壺冰艷
比梨花雪暝色銜四檐竹爐試煎啜一時豁幽襟
語笑欣相接昔人云此水飲之去煩結七椀亦未
妨風味固迥別乃知天上來惠山不能奪

讀歐陽文忠學書作次韻

學書非其至既得詣須絕氣若奔怒貌法必歸樽

節意造即開天不外古人轍所貴以人重豈供晚
近悅壯夫愛雕蟲取必在敢決

京口述懷

時同俞道安赴楚學使蔣永年招

家居固未易出門久知難謀生四十載書劍何蕭
然遠愧故人招輕舟犯濤瀾迢遞三千里霜露蒙
華顛老豈不加惕貧非不能安十口累家食窮骨
遂不堅殷憂結中懷向人多強顏賴有忘年好晨
夕共言歡江漢望不極行行勉加飡

題武昌試院樓壁

畫樓跨江漢人煙鬱相望高下遞層城山作修蛇
狀蜿蜒通往來旅行雲霞上森木間藂花繡錯儼
屏幃天風颯然來客襟為一曠少文縱卧遊於茲
肯多讓會心不在遠老更事疎放處煩失我真履
靜覺神王用志既不紛觸境彌以廣時復擁書讀
千古恣遐暢

游子吟

朝來亳州道暮投武平旅何必感飛鴻始悟身如
寄憶別慈母時春風吹征衣征衣仍舊色游子良

雲金齋詩集 卷一
三
恥歸感念北堂萱含情待春暉

朱邑墓

朝發樅陽道晨露零荆榛策馬前山阿豐碑何嶙
峴曰漢大司農德在桐鄉民漢吏多悃悞廉平相
持循教化猶春風被之如飲醇民心自歸厚公真
斯其人入踐尚書履歿與龍眠鄰非不重首邛何
如民所親風景猶漢時桃李不改春君看王侯冢
松栢易為薪安得再起公還此風俗淳

柴關嶺

行行指柴關一嶺亘雲表巉巖怒爭攫人馬屢驚
掉雨氣沍嵐光飛泉出林杪綠木如猱升紆迴入
深窅回首蒼烟中已失陳倉道慨昔楚漢爭千載
何草草英雄久云沒行人亦空老俯仰成今古往
事逐飛鳥迢迢隴漢間遐思寄幽討前峰不知名
千百翠螺繞山曲水亦曲路迷境愈好履險心彷彿
賞竒意鳧藻攬轡發嘯歌天風來縹緲

紫柏山

留侯辟
穀處

萬山拱興元一峰標紫栢造化秘靈秀蘊此神仙

宅留侯功業成飄然此託跡引身終赤松玉成始
黃石當時未虎嘯報韓心膽赤偉哉博浪椎天地
為變色智勇固非常納履心何抑授書為帝師坐
籌興漢策善進復勇退神龍固莫測惟能自用才
君臣無間隙封畱願亦足深為韓彭惜辟穀亦寓
言高風不可卽

滴水舖觀瀑

余昔過武都辛巳冬十月艸木正堅瘦蒼翠露山
骨滴水瑩無滓涓涓噴靈穴飄然玉帶垂高下因

風折再來十五年竒觀驚欲絕匹練下秋空虹光
激飄忽響攝九天風光搖千尺雪如脫天馬銜騰
空不可繼忽作流電飛迴風時一掣祇疑星海破
毋乃銀河決寒色濯星辰餘潤散林樾對此豁心
神泠然自怡悅惜置山驛間但供猿猱啜羨彼匡
廬水豔掉青蓮舌同流而殊源此中有造物乃知
貴所處嘉名誰為揭

重赴都門留題菜圃

謀生顧無能篤躬學老圃頻年賦屢空苦心逼霜

露耐此根頭味聊以慰遲暮母乃食指繁嗷嗷罔
知措飢來驅我出此事堪再誤一朝重去鄉揮鉏
不遑顧當茲悅澤時春風正徐度叮嚀語弱兒早
晚須勤護膏粱詩書賊珍錯英雄蠹母為口腹累
百事乃可作小人但喜新君子勿忘故行行向日
邊宅心自安素

飲酒

嘗讀青蓮詩三杯通大道醒者但求名浮生忍空
老朝來蹈荒圃一雨接羣槁乃歎造物功頓使顏

色好富貴本無常貧賤固可寶醉心寄蕭條達人
解意表

西峰劉道人年八十輕身健步殆修煉有得
者精於談易相與憇松下語移時而別
踏過蓮花峰北折路如帶道人老結廬靜勝斯巖
最養成麋鹿姿語笑和風籟遂令方寸心頓失乾
坤大指歸識化機大道在物外

花朝前一日集西清書屋

東林好風日西清復精良主人敬愛客列坐陳壺

觴春溫溢言笑雲物森開張人無適俗韻花有王者香歎息南村老夜壑韜精光謂仲經先友也人生感流電行樂非尋常千春在一日此樂何可忘君看永和集曲水長湯湯

客西冷聞樸兒頗知讀書詩以寄勉

曰余不師訓為學昧指歸臨老始耽好力衰願已違汝少能努力喜而涕復揮况履號寒境弱且不勝衣不謂固能爾令我忘驅飢但能志聖賢毋徒慕輕肥窮達固有命往哲言豈非所貴勿作輟攬

味回始微及時加勉旃惜此春簷暉

季春集飲艸堂即事漫述

人事有往復神龍能屈伸至理不推究胸次生荆榛涼薄不自持安知省厥身勝氣競蠻觸相鼠傷風人慨然念遠古令我歎息頻昭度今魯連軒眉一解紛十千允旨酒艸堂開陽春賓朋洽言笑要皆無懷民風花復淡宕適意無非新悵望種學軒風騷久沉淪老成不可作典型嗟空存

秋夜獨飲

雲錦齋詩金 卷一
明河落簷際露氣橫簾櫳羣動夜已息好月生杯中陶然百情遠放眼天地空念彼古賢達以此名譽終陶阮百世士旨趣罔勿同我將升糟邱飄忽如冥鴻茫茫塵網內舍此將安從苟求身後名真如毛間蟲

感懷

西風日蕭條萬木聲何悲志士逢搖落苦心當告誰古道多榛蕪去日不可追感彼精衛鳥茫茫徒爾為

菜

人惟貴真率重不在軒裳物亦無定味美豈獨膏粱明志非淡泊處世焉可常旨哉達者言菜根咬彌香氣味含太古齒牙生冰霜薄俗累口腹謀食求精良萬錢營一飽饕餮良可傷何如飯蔬樂食淡心堂堂曳履歌金石吐氣如虹長

秋七月同張浦山觀趵突泉旋訪歷下亭有

感舊游用謝靈運富春渚作韻

游行愜素心悠然出西郭維時秋氣高烟光淡林

薄勝地邈殊昔人事復多錯荏苒三十年襟期尚
邛壑既感非盛觀浮生詎堪託浩然憶江湖烏庸
戀衰弱鹵莽事詩書此意空自諾萬事何常有毋
徒悲荒落長歌海岱間臨流媿潛獲

來青軒納涼同吳青霞吳繡谷作

時客武昌
張瀛洲中

丞署
中

危軒飛鳥外檻俯前山陰炎塵不到竹涼颺時在
襟伏暑猶未闌秋氣覺已侵斯境詎易得但會靜
者心甌香飛綠雪泉冷鳴瑤琴論詩溯遠古千載

欣相尋言笑澹無厭興盡還捫參月出澗底松毛
骨疑清森曳履下蒼蘚明河夜沉沉旋聞蘇門嘯
劃然高雲岑

謂孫西山也

珍珠米

傅朗林太史席上賦

瀛海大無外一氣涵鴻荒星島列其間貢賦咸來
王曰惟大琉球物產多精良犀貝未足貴至美珍
珠梁沆瀣融黃雲精華蘊天漿艷傳中原人獲如
拱璧藏茫洋九萬里辛苦來梯航照眼光奕奕登
盤瀉琅琅聲價重兼金詎屑升斗量風流傳太史

鄭重攜玉堂忝承讌飲餘出以啖老狂味美甘且滑齒頰凝瓊霜桂嶺葛仙米甘脆亦相當配此作雙美小詩聊並揚拂衣謝知己天風下南岡

程曲齋老友為余錄拙稿復繫以詩重加引

揚讀之滋愧爰述長句奉酬

天壤有清秘醞釀為聲詩萬類觸所發善鳴乃得之騷雅開其源漢魏暢其支何代無能事風規良在茲余生愧茫昧學步不自持緒業既荒落窮骨復支離湖海賦飢走半皆風霜詞古錦色黯然零

亂如蔓滋有若秋葉片有若春蠶絲飢寒既無補莫若火之宜老友驚顧惜子何自嘲嗤斯道固遼濶苦心寧無知吾當為編錄以為名山期言之汗浹背拜手寧堅辭裒然忽成帙令我揚雙眉厚意良感君敢望令名垂

雲錦齋詩鈔卷一

大昔拜手寧望謝東風忽吹到今亦無雙
歸苦心寧無味吾嘗欲飲以名名已非言
莫若人之言方方解語子於日無語其真固
猶或莫能言也於樂子於方亦言其真固無

雲錦齋詩鈔卷二目次

七言古

過泰山

江口行紀揚鳴崗孝廉述事 有序

連雲棧放歌

釣突泉

落雁峰放歌

自彛陵州發棹至黃牛峽

錦江觀漲

廣元放舟至昭化

七盤關

摩崖碑

過李衛公佈雨處

贛江阻雨

臨晉五姓湖觀打魚

華頂道院見三十六峰老農吳青霞題詩壁

間寄贈

出連雲棧抵褒城宿

打冰行

題西江酒樓壁

賣劍行

中秋雨題太原旅壁

歎息行

冷泉關

雲錦齋詩鈔卷二

嘉興沈 廉補隅著 同里金永昌際和校

七言古

過泰山

泰安城頭朝霞紅
天雞啼徹日觀峰
巖巖岱嶽亘雲表
巍然萬古青濛濛
我行來自滄海東
一朝開滌塵土胸
去天尺五彌仰止
馬首縹緲吹剛風
想見秦漢侈功德
史官張大書東封
霓旌羽葆香烟籠
鳴鑾佩玉搖玲瓏
祥光奕奕塞宇宙
百官隊仗

何雍雍上帝高居不可極陳詞列石凌蒼穹至今
松柏禪壇上驚濤夜夜飛蒼龍竭來上下三千載
七十二君將母同草莽讀書具隻眼國家致治豈
所崇燔柴要非虞舜重後儒紛論誰折衷偉哉蕭
梁許著作極言封禪不可宗安得朝岡鳳再鳴以
鑒有國垂無窮

江口行紀楊鳴崗孝廉述事

江口者岷江口也孽賊獻忠運其輜重連
檣銜尾東下直抵江口西以武舉楊展練

鄉兵備賊截之獻孽怒舉火焚舟金物並
沉於江復集賊黨還成都會王師至盡
殲滅之西蜀既定後有覬覦江中遺物者
屢竭人力取之終莫能得

岷峨江水清且深黃金那識行人心岷峨江水清
且淺黃金偏着行人眼為問黃金何處來黃金無
語江聲哀獻孽當年蕩蜀土生民甲第成飛灰一
朝裝束賊東走連檣直下岷江口岷江楊展真勇
者痛憤呼天忍束手義旗一舉如趨湯弓刀直掩

日月光一時天地為震怒橫江殺賊勢莫當旌旗
徧野風颼颼嘉州三日江不流烟雲慘淡日無色
山川撼動蛟龍愁孽賊此時怒迸火突睛橫劍船
頭坐奮呼一炬燎群艘黃金百萬歸波濤賊竄紛
紛還錦水一一殲盡 王師刀妖氛靖後七十載
可憐猶見民脂膏翻恨江天清見底黃金不逐長
流起遂使貪夫智力窮無冬無夏驅人工罔利何
知民力億事事多忘後車戒憑夷含笑清江裏孽
賊誅求又安在金錢刀布如螯虺歲月營營爭糞

穢讓國猶輕洗耳人况貪夜識金銀氣坐深談罷
歎息頻起看峨眉月半輪

連雲棧放歌

既不能運南溟萬里之雙翮又不可得西繫白日
之長繩廿年浪跡半天下老附驥尾成痴蠅一身
此日來鳥道虎豹出沒同寢興連朝力盡飛鳥上
雲棧八百蜿蜒升嘻吁何巉巖氣勢相憑陵天梯
陡折空中乘馬蹄迸火聲登登紛紅駭綠間叢薄
牛毛細路闌干承蝸巡螺轉不知處星聯肺附峰

稜稜境益險兮山益竒
縈青繚白紛峻嶒或作熊
羆卧或似蛟龍騰或為屏帳列
或如鐘鼎凭瞰以幽深
莫測之峻谷絡以蚪結不老之
蒼藤有時哀猿挂壁相叫嘯
有時驚濤撼動厓將崩有時雲氣
滂出天一線丁丁樵斧遙相應
有時鐘聲函胡起澗底霞光蘸
影波搖澄絕景無時無攬轡情
不勝天風颯然神為凝六月西來
無炎蒸蒼松架壑時一憇自顧
却似行脚僧神仙杳渺不可即
富貴飄忽詎有恒平生好竒頗成癖
山川久亦知我能安

得再起道子揮縑繒煙嵐鬱勃
毫端凌雲皴雨漬括神妙曲折
惟意無減增懸我高堂雪色之素壁
滌我年來抑塞之塵膺日擬少文
卧游此圖內放眼長在峰千層

趵突泉

趵突泉何飄翩宛如三珠樹
海上來何年憑虛一起徑丈
玉花怒迸爭鮮妍乍疑蛟螭
翻地軸驚濤萬斛隨飛騫
又疑天吳穿月窟銀河倒瀉
空中懸霞光日氣相激射
迴風噴薄飛雲烟餘波分畫

玉繩直細顆跳作明珠圓鬼斧神工用許力一時
造妙驚開天我聞斯源發王屋湫流千里來盤旋
精華故自天地秘元氣蘊結鴻蒙前君不見匡廬
石梁兩瀑布霆馳雷激撼星躔飛流直下三千丈
一往奔注毋乃偏何如此水自中立不與衆流相
爭先竒觀要自甲東海七十二泉附以傳終朝歎
賞不忍去塵襟開滌心冷然松風謾謾日告夕明
月飛上華峰顛

落雁峰放歌

巍巍太華高無儔金天重鎮帝王州溯唐而漢秦
與周忽忽上下三千秋人生無乃空白頭名聲韉
鎖如繫囚蠅營狗苟多堪羞如何眼前一樽相勸
酬塵事付之風馬牛乾坤莽蒼望不極日月跳盪
無時休俯視萬象但一氣惟見黃河清渭如帶流
長安道上塵十丈何曾一點吹到山之陬剛風冽
冽雲悠悠岩花澗草紛相糾搔首問天客已去我
何不能長自由亦不羨卧百尺樓亦不願封萬戶
侯但得麻姑老仙美醞三千甌落雁峰頂三年留

雲錦齋詩金 卷二 五
醉時便作希夷卧醒來即誦逍遙游誰復能將此
間樂一洗茫茫萬古愁

自彛陵州發棹至黃牛峽

江月欲落晨雞鳴客船未發官船行曉風颼颼舟
子喜滿帆吹出彛陵城鼓聲坎坎日方吐船頭漸
聽灘聲怒棹轉俄驚又一天桃花雞犬回頭誤入
峽愈深山愈竒半雲半雨崖傾欹疾風捲水水欲
立紛紅駭綠相離披盡日冥搜思縹緲空裏無聲
絕飛鳥斜照西南一角天數峰青插微雲表初疑

前山無路通劃然一線開鴻蒙乃歎偉哉神禹蹟
於此疏鑿千年功危灘更轉勢如削路斷雲根渾
倒插噴珠跳雪從空來不知此是黃牛峽我聞昔
日有黃牛助禹開導疏江流至今風雲相隱見惝
恍如有神人游百丈高牽不可越行人到此真愁
絕一舟簸蕩波濤中却與魚龍爭出沒吁嗟乎黃
牛峽水無時停黃牛峽石無時平為言雖險君勿
怖那得人間有平路

錦江觀漲

桃花落盡春水生錦江忽作鞞雷鳴奔流欲捲州
堂去大聲撼動芙蓉城兩岼迴旋如走馬飛騰上
下馳流星浪花排空萬山立銀河倒瀉天為傾一
氣渾噩渺無盡乾坤不覺如浮萍憶昔長江破巨
浪風帆乘我空中行身如滄海渺一粟性命直與
蛟龍爭今日江城看春漲披襟想像神猶王安得
呼起浣花翁相與乘舟坐天上

廣元放舟至昭化

峽天劃斷秋濤碧直下高巖二千尺危灘雪噴蟠

蛟鼉聲振鞞雷相激射雙崖倒絡楓離離轉棹驚
看欲崩石須臾石櫃見雲中飛棧縈空帶暝色黎
城回首抹蒼烟落日猶銜籌筆驛一月身穿虎豹
群今朝忽作扁舟客岸幘江山畫裏看孤城一片
蘆花白

七盤關

秦天行盡開蠶叢荒雲冷雨猿號空蝸粘蟻附驚
欲絕連岡陡折蟠蒼穹蜀山萬疊青濛濛西來氣
欲吞關中回首雍梁截天外漠漠但見斜陽紅憶

昨身穿土囊口馬蹄直上排天風今朝更度七盤
關憑虛愴恍將毋同驚沙颯颯打人面蠻烟慘淡
飛哀鴻四山榛莽蔽高下豺虎晝伏無人踪茫茫
宇宙開鴻蒙設險乃當西陲衝巨靈仙去五丁死
遂令鳥道無完功中原莽蒼望不極俯仰今古嗟
何窮

摩崖碑

君不見摩崖碑上三百字蝕盡冰霜瑩無滓千載
不作龍蛇飛乃是魯公忠義髓文章兼得雅頌音

言言正大無溢美那知巨手燕許死却有道州元

刺史我得此碑西江湄珍重賢宰王公遺

新城王
駿公明

府宰楚南
時所榻也

鎮日披賞神忘疲想見至德中興時郭

李盡殲漁陽師牽制要皆真卿為一洗中原功再
造六龍靈武開丕基塵清車駕還舊闕揚厲功德
誠所宜大書特書氣淋漓手額歡動天南彘羸得
蒼厓作三絕光芒詞筆今猶烈巍然大業垂不朽
長向楚天懸日月年來飛度過長安唐家帝業塵
漫漫四庫書亡鬼神泣剩有浯溪一片石

過李衛公佈雨處
馬首炎塵潑秋暑河內行人汗疑注停鞭小憇拂
殘碑知是衛公佈雨處衛公才略真英雄當時失
路荒邨中龍母授瓶甘澤沛風雷驅役乘青驄
蠶旱魃皆潛踪洛天一夜騰三農事去千年已陳
蹟艸木蒙茸異今昔過此能無太息頻我亦東西
南北人攬轡中原復何益勞生歲月空沉淪

贛江阻雨

雨痕倒捲狂飈白墨雲抹斷雙江碧萬馬奔騰空

裏來一時吹裂江心石江湖游子真兒戲性命乃
與蛟龍敵須臾驚喜日復出笑看天東山半壁

臨晉五姓湖觀打魚

行春欲倦停青驄觀魚來憇湖天中插空高柳烟
縷縷鷺拳踏浪鷗翻風須臾鳴榔集波面擲叉撒
網喧溪翁浪花擁日出水底條山倒撼銀濤紅江
海蒼茫歎濶絕水天無路驚鱗窮小魚入筐大魚
縛一網打盡馮夷宮王官谷口雲漠漠蛟龍氣奪
深潛窟興盡搖鞭背花去烟波回首殘霞落

雲錦齋詩金 卷二 九
華頂道院見三十六峰老農吳青霞題詩壁

間寄贈

袖拂剛風倚天闕忽見龍蛇氣蓬勃君從三十六
峰來獨上蓮花攬明月自是君身有仙骨放歌長
向烟霞窟回頭却笑韓退之痛哭蒼龍嶺上時

出連雲棧抵褒城宿

蜿蜒雲棧縈空迴劃然半壁秦天開煙巒高下勢
排宕興元形勝何雄哉放眼褒中樹如薺一片孤
城出井底紛紛飛鳥墮蒼烟落日無光沙泥泥我

馬虺隤不復驕解鞍止宿心搖搖孤雲兩角天一
握側身西望驚魂銷眼前險阻無時無區區百里
成坦途且復開襟澆濁酒放歌一醉花間壚前路
崎嶇君勿慮揚鞭更上青天去

打冰行

歲十一月當隆冬南河北河戰朔風水天慄烈行
人絕長空雪壓呼哀鴻曉來遙望銀海眩一夜冰
花橫匹練漕艘銜尾凍難前篙師袖手寒相顫大
吏驚呼小吏趨徵夫打冰臨河渠官錢分給壯者

雲錦齋詩鈔 卷二
行偏裨持箭為前驅日輪慘澹晝無色一片寒光
風瑟瑟人影如蟻聲如雷白楛上下紛相擊砉然
一聲山崩空玉波擁出馮夷宮十晝夜開三百里
乾坤撼動驚魚龍往歲南檣去如駛一夫不擾柴
門裏今年凍阻萬民勞回空誰道難如此天倉鱗
積日邊開輸挽年年往復回素餐聞此寧無媿粒
粒皆從辛苦來

題西江酒樓壁

花殘南浦波連空十年回首成飄蓬一江南下白

浩浩千峰西拱青濛濛歲月蒼茫感今昔猶憐老
作諸侯客醉倚城東賣酒樓搔首江山天半壁

賣劍行

劍為故友明遠將
軍徐研漁所贈

一條秋水橫空白十年壯我風塵色往往銜杯引
興長故人心在堅金石一朝失路賦無衣售爾聊
充臣朔飢帶牛佩犢我何與風前脫去增歔歎日
暮歸來氣慘沮床頭已失蛟龍護縱使延津合有
期他年羞過徐君墓

金瓶 中秋雨題太原旅壁

金波暗抹銀河陰
天香零亂飛秋霖
獨客關山何寂寂
安得身到瓊樓心
大放清光開玉宇
剛風盡掃痴雲去
吁嗟此夜空自語
有月尚愁何況雨

歎息行

北棧禾苗枯欲死
南棧禾苗苦生耳
一旱一澇蒼生哭
安望今年有秋熟
行路悠悠歎息深
往來却看雲無心

冷泉關

河山莽蒼盤龍起
銀泉寒噴關門底
樹禿烟消鳥

影稀荒雲零亂殘
陽裏三年攬轡來
往頻如弩西風吹
倒人茫茫北控并
州路此地誰言非
要津

雲錦齋詩鈔卷二

雲錦齋詩鈔卷三目次

七言古

題陳留張子房祠

禽言六首

鵲鵲鵲

布穀布穀

不如歸去

提壺盧

泥滑滑

脫却布袴

紅毛酒

題元祐黨籍碑

十三賢書院古松歌為李仙蟠太守壽

聽朱山人彈琴

畫竹歌贈汪萊邨

長夏東萊試院聽初在中談勞山之勝

觀海歌

程節母詩

旌孝行為李孝子坤暘作

攜李懷古

初夏小草堂同程醉禪姚茶邨飲燒春戲作

徐雪軒貽老梅大幅走筆酬贈

題高芝田齋志集後

雙桂軒卯飲歌得飲字

春明病骨調暢同潘東谷曲齋飲壚頭放言

同人吳山壚頭雨飲

海月軒同陸雲籬徐遷九夜坐燈焰吐花寸

許特異常夕作歌艷之

汪萊巖席上題何元長畫蘭得書字

讀陶靖節集

立春日同人集小雅樓賞雪得山字

重登黃鶴樓

淡巴菰

雲錦齋詩鈔卷三

嘉興沈廉補隅著同里金永昌際和校

不吹龍七言古

題陳留張子房祠

人稟兩間氣何代無竒姿子房生亂世乃為帝王
師功成身退如脫兔廟貌軒然識賢傳萬古陳留
天下中一代君臣此相遇

春常禽言六首

鷓鴣鷓鴣

鶉鴝鶉鴝鶉鴝晴呼雨亦呼雨怕澇田晴怕枯一
春常自憂畊夫

天下中布穀布穀

布穀布穀秋陽滿茆屋官倉昨已開莫待縣符促
為農那望有盈餘只求得飽今年腹

不如歸去

不如歸去不如歸去江山滿眼家何處人言花底
好安棲春來日日多風雨

提壺盧

提壺盧提壺盧前邨有酒何不沽白髮易生歲易
徂不如常醉花間壚

泥滑滑

泥滑滑泥滑滑春雨漫漫山路窄馬蹄行不得往
來日日愁行客

脫却布袴

脫却布袴脫却布袴夜來水漲前村路叮嚀辛苦
過河人如此風波且湯渡

紅毛酒

酒為方伯劉恬園所餉

床頭酒盡書縱橫朝來懶放狂歌聲土木形骸寄
千古眼底不作滄桑驚頗聞絕島妙釀法中原酒
人心為傾搗香篩辣漬沆瀣珀光宕漾朱霞明芳
冽可掃蛟龍腥香風忽爾起天末有客滿載來蓬
瀛一航徑渡九萬里珍珠紅貯玻璃瓶劉郎愛酒
知我意十千買餉何多情洗杯瀉出桃花英未飲
流涎挂口角惜此激艷凝雙睛掀髯一吸無剩滴
胸中浩浩吞滄溟碧香白墮大遜此但恨未載無
功經我有斯好三十載得此尤足償平生日暮當

軒醉不醒叢篁捲雨秋冥冥耳邊忽聽天風鳴曷
不吹我乘槎行

題元祐黨籍碑

宣和欲末廟謨失中外紛紛託紹述君臣亡國各
相賢不覺江山黯無色青苗怨氣猶未消又見潭
州老奴筆書成黨籍樹國門甘為諸賢作蝨賊二
百餘人一網盡一夜彗星掃文德黃門毀後皆漫
滅世間鴻寶求難得誰知八桂尚巍然披對靈光
三歎息當時只作黨人看攻玉寧知即此石煌煌

姓氏六百年后土蒼苔不敢蝕賢名大半史無傳
不可謂非丞相力從來是非焉可泯天意留之鑒
亡國

十三賢書院古松歌為李仙蟠太守壽

青州城南太古松離竒盤鬱驚蛟龍高不倍尋周
百尺歲寒獨挺冰霜容堯天雨露久洗濯清華一
氣涵黃農天台雲海曷足異奚數五粒誇秦封文
章金粉極飄灑蒼鱗玉子相錚鏦元精融液造化
秘珀藏厚土蒼苔重偉人間出固不世珍材要亦

靈所鍾十三賢乃後先至一一歎賞開心胸沂公
一賦妙摹寫藝苑不啻重黃琮生面重開七百載
青蓮來踐前脩踪承平艸木增氣象是松卓立何
雍雍拱把凡姿皆偃仰亦猶江海知朝宗有時廣
被萬間蔭有時怒作波濤衝體則金石用風雨後
凋一德羞纖穠公今四十盛功業夢腹早已徵鐘
鏞稱觴海岱樂清晏歡呼幕府圍芙蓉我歌聊代
河陽繪連山一望雲門峰

潞公生日郭熙寫古松一樹後列小松千百名

連山一望圖

雲錦齋詩少

卷三

七言古

四

聽朱山人彈琴

鍾期解聽高山音淵明乃蓄無絃琴有聲無聲意
俱妙山人不言口微笑爐香初泛敞軒窗浮雲斂
盡明河繞春溫廉折取次彈清風戛然鳴琅玕冷
泠絕壑瀉哀湍幽禽啼破落花雨驚鴻遺響秋雲
端悠悠千古心不愧知音難令我三歎息搔首憑
危闌夜深彈罷拂衣起梧桐月上天如水

畫竹歌贈汪棗邨

唐家畫竹蕭協律藝苑翩翩世無敵白傅曾藏十

五竿當日尤稱得意筆誰其匹者文洋州鶯溪萬
尺誇風流襪材佳話豔人口髯蘇一記堪千秋後
來學者紛如雲精妙不無筆墨痕梅花道人獨入
室衣鉢乃得汪棗邨棗邨先生越公裔詩翰傾人
猶剩藝賞心獨寄凌雲姿下筆圍牆驚絕世參差
觸手若有聲葉葉飛動風烟生贈我一冊重荆壁
藏之不易十五城先生久作勾吳客布袍落落無
相識安得重登寶繪堂掀髯揮洒增顏色嗚呼俗
眼紛紛尚花鳥此竹應知愛者少令我披圖歎息

雲錦齋詩金
卷三
五
深放歌長對湘江渺

長夏東萊試院聽初在中談勞山之勝

六月炎天苦行役夢裡山川久無色豈意清風官
舍中忽遇蓬萊老詞伯為言曾上二勞山九萬峰
前岬巾幘峰峰削出青芙蓉壁立海天八千尺豈
惟氣壓泰岱雄恐是三山莫能敵無瀑不爭廬岳
竒無雲不潑荆關墨或如騰空龍攫爪有似垂天
鵬展翼掉來矯矯神鱗尾截作稜稜瘦蛟脊不知
神妙有如斯要皆一一靈仙闢大勞之竒竒在空

小勞之竒竒在密空處常聞波濤鳴密處曾無虎
豹跡別有天開九曲水曲曲沿流環一碧蟹舍漁
庄遞隱見雞犬桑麻杳無極琳宮瞥見懸厓顛鳥
路潛通怪松側到此真成閬苑人一朝名利心都
滌

觀海歌

西夏客東海之
蓬萊試院作

萬物之鉅海為最鴻蒙一氣涵無外坤輿震撼聲
摩空鯨波無際粘天紅憑臨目斷九萬里一時浩
瀚生胷中其間島嶼互隱見旋轉直與星河通弱

水飛仙不可即但見日出扶桑東歎我飄零三十
載白首風塵未觀海一竿何處拂珊瑚釣鼈老去
心猶在蓬萊閣上天風高安得凌虛生羽毛揮斥
八極呼盧敖駢鸞跨鶴相游遨吸露飡霞從此始
笑看滄桑一彈指

程節母詩

正氣不作奇氣勁潘家貞女天所命委禽繼字孝
廉程未曾廟見悲鸞鏡孝廉先為阿姊夫痛哉阿
姊有遺孤入門撫孤矢大節蛾眉不畫春山枯五

十年來志彌篤紅爐燒出無瑕玉卓然奇行不世
見漫論栢舟與黃鵠於戲潯溪日夜流潺潺程母
貞風不可攀千秋奇氣即正氣坤史長笛天壤間
旌孝行為李孝子坤暘作

孝治天下今 聖皇褒榮坊表詔萬方幽光潛德
一朝發坤暘先生名尤彰先生抱道守韋布至性
終身篤孺慕親病顛天痛割肱親沒哀號獨廬墓
里閑爭傳六十年下風斯世上格天胥山長水蘊
靈秀造物不獨鍾英賢先生本不矜奇節姓氏即

今懸日月千載之下石可爛孝子之名永不滅君
不見當年蘇季子刺股名傾游說士一身雖貴徒
毀傷六印何如塊肉香

馮李懷古

君不見會稽山下越兵起寶刀十萬橫秋水勾踐
三年石室中夫差一劍殘陽裏荒州寒烟秋復春
戰骨消來一片塵惟留范蠡湖頭水嗚咽年年哭
美人

初夏小草堂同程醉禪姚茶邨飲燒春戲作

草堂綠暗雨初歇老友高談太清絕醉禪小有賣
文錢沽得燒春最芳烈滿眼浮雲一笑空放歌不
待當頭月氣奪清剛金錯刀香飛零亂梨花雪梨
花雪金錯刀大助華顛逸興豪若教醉到河清日
不用唐家換骨膠

徐雪軒貽老梅大幅走筆酬贈

雪軒先生腕如鐵造妙憑虛寄高絕神往千尋玉
海中截來一段蒼龍骨蒼龍骨何活脫玉鱗個個
飛香雪撐向冰天凍不折幽姿復波峭踈意亦超

雲金齋詩金 卷三
忽邁出華光老風格元氣何淋漓迴風吹欲滴有時一笈影參差明月梢頭呼欲出君不見九十老人健如馱烟雲供養真能事真能事三歎息添我茆堂好顏色

題高芝田齋志集後

辛酉王春之晦日陸離映几精光出摩挲老眼辨何書乃是高郎齋志集嗚呼憶昔見高郎秋水為神玉為骨高郎王父實吾師兩世通門如密戚孝友文章代有人傳家不改青氈色高郎篤學春復

秋風雨何曾間晨夕但期弓冶振家聲刻骨揣摩不遺力一腔血噴萬珠璣吐氣無階命為畢太息浮雲身世輕雖歷三朝纔二十吁嗟乎碧海茫洋溺子安玉樓春渺歸長吉高郎化寶年更少天實為之痛何極堂前喬木倚酸風淚盡西河招不得即今綵筆繫心魂月明猶抱遺珠泣修短何常論蓋棺高郎不媿稱完璧况是昌朝廉吏孫是編亦足承清白

雙桂軒夕飲歌得飲字

白頭夢斷邯鄲枕拋却殘編久廢寢彥章來自滄
浪亭一笑相逢留勿飲茫茫人事嗟何窮不如醉
倒黃雪蘂滿院秋風吹不醒門外塵飛十丈紅

春明病骨調暢同潘東谷曲齋飲壚頭放言
柳蚤含情花欲語黃公壚畔春如許朝來不覺病
骨蘇况逢嵇呂欣相敘老狂焉用學長生酒裡差
堪遠百情掃空世染雙眼明此間烟景誰復爭當
杯更愛黃鸝聲聲勸醉不勸醒白髮終難變黃
金不可成輞川斯語真老儻人生自古皆寄耳養

精煉魄徒營營乾坤大矣寧藏老只有醉鄉深處
好

同人吳山壚頭雨飲

酒香山路幽禽語壚頭留客饒歡趣開遍江干可
意花飛來天半催詩雨恨不能傾三百杯老狂大
放蒼顏開當年太白若到此凌虛應作糟邱臺寓
形宇內皆逆旅何妨掉臂踏歌去濕雲零亂滿吳
山醉眼迷離不知處

海月軒同陸雲籬徐遷九夜坐燈焰吐花寸

許特異常夕作歌艷之

簷前老樹紛楂枒寒蟾玉露凝清華酒闌座客劇
談笑一燈熒熒開竒葩始看的的抽黍穗旋作蜻
睛分雙丫須臾發焰幻結撰鬱如閨苑蒸雲霞憑
虛惝恍起盈寸一團捧出優鉢花不蔓不枝無附
麗天工盡巧難為加杜陵野老豔太喜逮今亦復
相驚誇東風紅紫逞天冶好春半屬王侯家此花
別自有造物雨露不濡故自嘉眼明竟夜喜不寐
城頭漏斷翻棲鴉想見朝天爛紫陌榮光煜煜吹

風沙

汪萊巖席上題何元長畫蘭得書字

嘗聞寫竹如作書寫蘭豈與寫竹殊竹取踈朗復
瀟洒蘭須飄逸兼舒徐近來好手不數見元長老
子名無虛烟雲腕底出蕭散風生雨作成須臾大
葉小葉秀且勁一花兩花清而腴參差高下意所
到妙處不為形神拘元氣淋漓蘊國香但覺鼻觀
來于于當時落紙人爭掣聲價頗動東南隅此幅
百年尚完好萊巖購自荒榛墟摩挲不啻鴻寶秘

塵清棊几常自娛安邱李昂亦能事遺我徑丈懸

苑廬一朝苦被桓元竊幾番痛惜增欷歔安邱李

中牟令畫蘭為北地之冠曩見遺大小數幅其大幅為人竊去今辰披賞意頓釋

况對醇醪百慮祛醉心悅目匪易得好風南來相

軒渠酒闌題罷拂衣起义手梧軒夕照餘

讀陶靖節集

先生不知何許人恥以五斗隨屈伸天荒地老龍

蛇鬥歸來早作無懷民籬邊叢菊老不落門前五

柳長搖春看雲每向北窗卧漉酒却用頭上巾一

琴無絃時獨撫遇飲輒醉彌天真飢驅不妨隨所

至言辭雖拙曾無塵發為文章淡且永大羹元酒

何其醇歲月但書前甲子高懷託興桃花津不知

有漢况晉魏邈然心與太古鄰至今鬚眉可想見

琬琰披賞融心神嗚呼古道淪喪風雅墜義熙真

氣畱天地

立春日同人集小雅樓賞雪得山字

王正十日春發育小雅愛客張綺筵矍然環立四

皓首金花臘酒圍春盤湖天浩渺飛鳥外形雲忽

布吟簷端須臾玉花大於掌乾坤萬物皆開顏憶
昔君家老惟演風流節鎮龍門山一朝春融香雪
海群屐勝賞何翩翩盛事逮今七百載此間樂不
減當年山林鼎鐘各有致要皆名在天壤間聚蚊
金谷奚足數素心良會寧非天錦里先生獨愁絕
閉門僵卧成袁安是日稼亭有恙不至人生憂患豈意料一
醉千春非等閒分牋走筆各探韻醉墨淋漓襟袖
斑興移更索梅花笑今年老子尤痴頑

重登黃鶴樓

黃鶴樓何崔魏滔滔江漢連飛翬偉哉形勝甲三
楚有幾題詩擅千古太白才華誰匹之不敢角勝
崔左司讀書萬卷行萬里寸心得失固自知白頭
再到還自笑一拳搥碎難為詞安得雲斤月斧琢
肝肺造化醞釀胸中竒雲夢落天想滄海窮霞思
湘管化作珊瑚枝山川窅恣搜刮靈氣恍忽來
淋漓魚龍為我亦起舞腕下但見風雲馳不然尋
行數墨逐卑靡古人有靈能無唾豈倚危闌發長
嘯斜陽滿眼花參差天風颯然來吹我雙鬢絲十

千沽斗酒痛飲又奚辭風流仙子若復返應教黃
鶴起舞如當時

淡巴菰 煙名也產呂宋國出姚旅露書

淡巴菰產何方種出呂宋來重洋自入中原不計
年聲價相高九府錢農家樂利各爭種一半占却
膏腴田吐花何的的舒葉復娟娟隴畝如雲黃落
時踏歌采采秋霜前黃金作絲玉作筒承平習尚
適口同四海春生一氣中能令呼吸間帝座亦可
通不待躋攀落雁峰瓊枝瑤草未足貴豈獨芝蘭

稱臭味一錢誰惜顧空囊晦明風雨情堪慰君不
見曉月茫茫驚曉角征人夢冷眠沙漠此時一吸
淡巴菰雄心直上凌烟閣

雲錦齋詩鈔卷三

雲錦齋詩鈔卷四目次

五言律

浦口雨中渡江

止宿江館

江亭

五丁峽

艸堂

苦雨有感

登法慶寺佛閣次壁間王尚書阮亭韻

游華山十首

秋遠山房雨夜

武侯祠

詠史

成都秋夜有感用少陵韻

次韻家韓城大令寓齋雜興二首

得鶴汀中州消息却寄

同友謀野軒夜話

謁孟夫子廟

除夕書懷用崔塗巴山道中韻

哭瓢隱和尚二首

吳威中輓詞

題泰山松色圖

天都山中訪山家

丁亥暮春陪同劉青岑太守游河津龍門即

事紀興二首

丙午元日獨步赤城山下

搔首

固關

懷遠將軍徐硯漁輓詞二首 有序

曉發忻州 一首

擬游峨嵋山不果 青岑太守欲徵請門明

天橋山中宿山家

與泰山詩 已圖

吳嶺中雜詩

吳嶺中雜詩 一首

新夕書謝用筆望巴山巖中巖

雲錦齋詩鈔卷四

嘉興沈 廉補隅著 同里金永昌際和校

五言律

浦口雨中渡江

一葉隨鷗鷺江天黯淡開遠山抹雲雨高柳出樓
臺坐喜春流穩遙聞漁唱來蛟龍應愛客不捲怒
濤迴

止宿江館

高館一燈明迢迢客裏情檐前團竹露枕底走江

雲金齋詩金 卷四
聲晴雨占來日寒暄閱此生西征天萬里明發是
初程

江亭

爽氣散雲烟秋橫江上天帆飛歸鳥外山落小亭
前淡遠倪清悶空靈王輞川不須呼列子披豁意
泠然

五丁峽

五丁闢天險氣象逼陰森一線縈秦蜀雙厓閱古
今泉聲翻石齒樵影落雲心寂寞金牛跡空嗟歲

月深

草堂

拾遺竟淪落垂老客蠻方歲月歸詩史生涯寄草
堂許身同稷契傳食飽風霜千古寸心在長歌泣
數行

苦雨有感

蕭瑟三秋序沉冥萬里天吳儂愁送日蜀國雨為
年時去名何與詩窮老或傳黃花應有恨不肯放
尊前

登法慶寺佛閣次壁間王尚書阮亭韻

珠林懸佛閣山色擁檐端
座抹烟光淡襟披松籟
寒清機初地得塵事斷
雲看日暮天花落隨風點
講壇

游華山十首

華岳平生夢今朝一笑登向禽心汗漫謝傳興飛
騰絕壑天疑盡懸厓勢欲崩不愁雲路迴自到最
高層

坪轉青柯上憑虛鐵繡連身輕猿挂壁峽束鳥穿

天綠暗山腰雨紅飛樹杪泉道人迎勞客留宿白
雲邊

三峰臨月窟萬木轟天心壁立五千仞靈仙關到
今雲花落天碧日氣逼陰森白帝真源遠冥搜一
往深

花院談深夜清涼爽鬢毛層厓吐神漢陰谷走松
濤洞冷丹爐古心空山月高一宵塵骨換名恐著
仙曹

鴻蒙開罔象絕勝發天藏嶺作蒼龍挂盆窺玉女

雲金齋詩金 卷四
妝人懷遺世想花吐出塵香食罷青精飯仙風洒
面涼

望裏明星近穿雲幾萬重孤臺存博局五粒識靈
松自斷樵蘇侶曾無虎豹踪到來人不見鳥外一
聲鐘

避詔巖前路雲峰七百年由來斷塵客到此即飛
仙氣結金莖露香飄玉井蓮希夷遺蛻後誰復此
高眠

忽作三峰客飄然鸞鶴羣憑臨萬里盡語笑九天

聞毛女乘風去乖厓欲此分放歌拂仙掌空翠落
紛紛

金碧崇仙闕森然象緯籠寶函藏石室 宸藻煥

珠宮 西岳殿 聖祖 龍戲天池水花翻碧落風晨

朝瞻絳節來往紫霄中

太頂碧摩天諸峰小似拳振衣低日月送眼過雲
烟芥視秦三輔杯浮水八川狂名留落雁想見李
青蓮

秋遠山房雨夜

雲錦齋詩金 卷四
堂深不聞漏池靜未生蛙美睡宜春雨閒情惜落花身添今夜懶夢覺半生賒已似真行脚何妨到處家

武侯祠

武侯去千載遺廟錦江濱當日原無漢先生獨有君典謨垂兩表統緒繫三分痛灑英雄淚淒涼王佐勲

詠史

信陵能下士傾倒賣漿中受諫封城日羞言救趙

功兵戈忘歲月酒色老英雄寂莫三千載長歌向晚風

成都秋夜有感用少陵韻

不盡瀟瀟雨高軒秋氣深亂蟲自長夜萬里獨何心濁酒聊為把陳編枉用尋少陵蕭瑟况不信到如今

次韻家韓城大令寓齋雜興二首

山閣當西爽新涼愛旅居高林驚驟雨幽沼起潛魚塵匣還留劍風床自展書金臺常作客况味轉

蕭疎

萬里關河眼三秋風雨心習勞嗟自少放懶笑從
今夢老生花筆囊空賣賦金乾坤雙鬢雪底事更
沉吟

得鶴汀中州消息却寄

萬金書到日比屋鵲喧闐親好咸相歎文章尚直
錢名孤時可待才美僕猶憐愧我衡門下蕭然白
日眠

同友謀野軒夜話

十年悲阮路話舊感晨星燈火餘頭白乾坤幾眼
青素襟憐此夕詩夢老旗亭寂寞茅檐底松風吹
酒醒

謁孟夫子廟

鄒國遺風舊停車拜大賢心胸開萬古道德起三
遷過化神長在論功禹比肩低徊不能去仰止嶧
山前

除夕書懷用崔塗巴山道中韻

落落長為客年年愧此身椒花知媚歲春色可還

人笑語傾良友憂懷繫老親明朝錦江上拭眼望
雲新

哭瓢隱和尚二首

廣嚴衣鉢在吾叔有家風瓢隱為我先叔聖階禪師孫也操行頗相似

破衲雲山冷芒鞋天地空問禪千里外得隨少年

中瓢隱自成釋後即求師訪道奔馳風雨江以南足蹟殆徧既而持戒於楊墳侍祖亮和尚三年

付其法誰識真龍象生涯一轉蓬

我賦西征後山房永別情尺書沉萬里瓢隱有書寓余為寄

滯者所片石負三生象外花猶笑瓢中月自明幾番

訪精舍空有白雲迎

吳威中輓詞 別字陶塵子

天放陶塵子風流老畫師偶食彭澤米頗法渭陽

詩陶塵為竹垞先生宅相詩法得其傳山水曾無恙人琴感異時西

風三徑裏松菊不勝悲

題泰山松色圖

雲滂草堂中披圖見岱宗山高雄魯甸松老識秦

封翠滴有無色濤聲千萬重渾疑風雨夜雪壁走

蒼龍

天都山中訪山家

路已隔塵寰花深更柳灣一聲雲裏犬幾點畫中山不識此間趣寧知物外閒自非忘世者那復得追攀

丁亥暮春陪同劉青岑太守遊河津龍門即

事紀興二首

河山合莽蒼迴抱夏王宮地拔雙峰表天開一線中風雲雄氣象胸次闊鴻蒙千古文章在巍然太史公

洪濤萬里奔一氣撼乾坤晉地樽前盡秦天檻外吞蛟龍吟可狎星斗醉堪捫不見乘槎客澄清事

漫論

丙午元日獨步赤城山下

歲改未還家行吟山徑斜誰知滄海客獨攬赤城霞古道草無色洞天梅已花春回鄉國遠搔首鬢

增華

搔首

搔首惜年華蕭疎菊已花江湖秋滿眼風雨客思

家老樹依孤館歸鴻下遠沙側身天萬里飄泊愧
生涯

固關

萬仞雲中合雄關自古堅時清潛虎豹天險控幽
燕虬木山腰絡飛流馬首懸竭來爭戰地攬轡幾
經年

懷遠將軍徐硯漁輓詞二首

君名澤字硯漁華亭人少而食貧躬耕讀
書膂力過人強志好博文戰不利有勉其

從事孫吳者遂習騎射試即冠軍中魁選
戊辰成進士選甘肅張義堡守府單車赴
任清苦自勵而教練士卒寬嚴合度有古
名將風然性踈鯁不能善事上官未及一
載而罷軍中咸惜其去及歸里門貧不能
存以筆墨餬口四方戊子春游平陽時方
伯劉公典郡二載同事金星槎素與君善
引君佐理幕務與余同事頗契合劉公擢
任津門觀察君受新太守孔公聘仍留平

陽別三閱歲聞君疾卒惋悼不已今夏余
從劉公赴西川取道河東感念疇昔之好

追賦輓詞

汾上三年別重過涕泗橫黃壚花自落陳榻月猶

明關塞思雄略風雲痛友生淒涼孤劍在時作不

平鳴

余庚寅秋由河東南
歸硯漁以劍相貽

失路憐君久休官萬里城數竒嗟李廣窮老痛虞

卿

硯漁有手纂
經事錄一書

誰慰青氈業空傷白馬情猶聞歸

櫬日風雨製銘旌

曉發忻州

古驛亂鳴雞關山望欲迷月沉津樹黑雪壓塞天

低客路隨鴻爪生涯信馬蹄公孫餘碣石千載草

萋萋

擬游峨嵋山不果

為愛名山勝因為萬里游寧知三載客空望半輪

秋落日頻搔首長歌獨倚樓烟雲迷目斷江影接

天流

天賦

蘇東坡詩集卷之四
蘇東坡詩集卷之四
蘇東坡詩集卷之四
蘇東坡詩集卷之四
蘇東坡詩集卷之四

雲錦齋詩鈔卷四

雲錦

蘇東坡詩集卷之四
蘇東坡詩集卷之四
蘇東坡詩集卷之四
蘇東坡詩集卷之四
蘇東坡詩集卷之四

雲錦齋詩鈔卷五目次

五言律

旅宿桐城夢中作山行詩既醒記其後半首
乃為足之

歸舟過桃花口

蒲州渡河

過朱仙鎮

嵇侍中墓

過鸞脰湖

題吳忠節公集後

攬鏡

唐子畏墓

江干雪泊

重過太湖

平江歸舟偶興

過釣臺

過秋田亦草堂小飲同稼亭作

弋陽道中

已酉春客都門林兒受鉅鹿郡守楊靜菴之

聘將行詩以勉之

中秋同人集草堂以斫却用中桂清光應更

多平韻分得光字

九日怡清山房訪朗上人同醉禪茶村賦

雨窗小集折薔薇花佐飲分得枝字

嘉樹軒偶成

冷仙亭

種蕉

止酒

投老

桂花

西施舌

夾竹梅

漁艇

銀燭

藕

柳絮

五言排律

水碓

春柳十韻

暮春同人泛舟過青林禪院小飲即事

雲錦齋詩鈔卷五

嘉興沈 廉補隅著 同里金永昌際和校

五言律

旅宿桐城夢中作山行詩既醒記其後半首
乃為足之

春山何窈窕春水復高低路入桃花誤天橫古木
齊鐘邊驚去鶴雲裏忽聞雞便爾非劉阮還應到
此迷

歸舟過桃花口

一片晚風微帆從天外歸夕陽看鳥沒秋水見雲
飛樹杪酒旗亂渡頭人影稀篷窗吟未倦露冷欲
添衣

蒲州渡河

驅車出蒲坂柳外正斜曛手挽崑崙水衣褰華岳
雲魚龍窺日近秦晉見星分慨想澄清日茫茫孰
見聞

過朱仙鎮

英雄遺恨在誰過不沾襟和議羞當日班師痛至

今書生能料事丞相獨何心攬轡秋風裏中原恨
尚深

嵇侍中墓

國事顛危日蒼茫蹈禍機可憐侍中血獨濺晉皇
衣龍性非無種雞羣始見稀哀然一坏土拜手重
歔歔

過鷺脰湖

初程入鷺脰風景又江南山遠窺烏榜天空出鏡
潭鳩呼桑壠暗鷗夢柳陰酣興好烟波上平生笑

我耽

題吳忠節公集後

世運移明祚黃巾滿海隅無君千古痛殉國一身
孤社稷忠魂在乾坤大義扶遺編不忍讀清泪洒
粉榆

攬鏡

攬鏡自相嗤真成蒲柳姿少從何處失老向此中
知天地成吾醜風霜豈爾私阿誰長不改歎息一
何癡

唐子畏墓

子畏風流邈殘碑尚姓唐一生寄風月大塊假文
章棄世言何達埋才土亦香桃花泣紅雨不復見
清狂

江干雪泊

風雪孤舟夜憂懷觸萬端謀生窮更拙行路老逾
難鄉國知誰念春江徹曉寒推篷發長嘯天地正
漫漫

重過太湖

笠澤往來數春明復此經帆飛斜照白山湧浪花
青醉雪題吳苑探梅憶洞庭記舊游也生涯愧鷗鷺垂
老尚飄零

平江歸舟偶興

秋挂一帆歸驚鷗拍拍飛午烟村舍密新雨路人
希風緊木初落江深魚正肥山資渾未辦生計笑
全非

過釣臺

山幽多淡遠江冷不波瀾三度過巖瀨平生愧釣

竿臺高明月迴天老客星寒太息勞勞者將心何
處安

過秋田亦草堂小飲同稼亭作

柳市南頭路桃花憶舊紅草堂如太古何日不春
風鳥散烟初暝觴飛月正東此時幽興至天地醉
鄉中

弋陽道中

杳渺江城外青山兩岸分沙明鷗戲浪天迴鶻盤
雲客路渾難計村醪亦易醺秋高霜未降楓落已

紛紛

已酉春客都門林兒受鉅鹿郡守楊靜菴之
聘將行詩以勉之

我猶憐作客汝復去依人行矣無憂遠安之勿憚
貧深沉研物理艱苦出經綸母弟南天望家書不
厭頻

中秋同人集草堂以斫却月中桂清光應更
多平韻分得光字

廿載圓蟾序歡呼幾故鄉壯心塵鬢短世味酒杯

長人盡如明月秋多在草堂南樓老子興今昔此
清光

九日怡清山房訪朗上人同醉禪茶村賦

怡清雲水窟秋色淨詩天獨許蕭閒老來參文字
禪松風生石鼎花雨糝冰絃更待珠林月還來聽

響泉

上人
善琴

雨窗小集折薔薇花佐飲分得枝字

踏雨賒鄰釀幽襟小遣時客無適俗韻花有可人
枝觴政寧論拙狂歌故作痴眼看春又暮聊爾慰

棲遲

嘉樹軒偶成

暑淨軒楹敞終朝不用扇迎風踈竹翠過雨遠山
青夢醒花飛榻心空月在庭天機發清妙物我總
忘形

冷仙亭

塵不到斯亭松扉靜晝局先生已仙去過客總浮
萍水白雲花笑風清鳥夢醒緱山有遺吹還隔碧
桃聽

種蕉

一片綠天開翩翩手自栽纔臨檐影動便覺雨聲
來碧玉秋盈握芳心日九迴清風時隱几鹿夢莫
驚猜

止酒

酒地抽身出逍遙未易名忘言聽鳥轉隨意看雲
生茗椀花間列書燈竹裏明翻嫌常日醉徒亂客
中情

投老

投老宜何處常思水竹鄉茅編容膝舍泥補及肩
墻眠石雲同懶觴花酒益香條然忘歲月不復計
行藏

桂花

西泠行省
次友人韻

花高五百丈香自九天來此亦月中種翻從客裏
開小山歸未得辛性老難灰晴日西窗下還憐金
粟堆

西施舌

客青
州作

玉甲映絲綸丁香半吐春圖經相識舊海岱喜嘗

新雋味曾亡國餘鮮總效顰鴟夷如可作借箸定

津津

夾竹梅

醉禪
見遺

珍卉遺連璧多君愛我深相憐清絕品同抱歲寒
心也作凌雲賞無煩踏雪尋合供青玉案聲價重
南金

漁艇

次錢蔗山
黃門韻

小艇輕於葉偏宜著釣徒桃花忘歲月秋水滿江
湖泛每循鷗渚停常傍酒壚有時乘好月吹徹笛

聲孤

銀燭

最好西窗下開樽剪燭頻金蓮寧比艷玉樹獨標
新光燄明如晝花濃別有春翻憐紫陌上辛苦早
朝人

藕

華井誰遺種污泥削迹新傾心吐冰雪折節見絲
綸磊落爭秋爽玲瓏得玉神却從根柢處想見愛
蓮人

柳絮

點點攪春深飛飛恨不禁將母為妾淚或者是郎
心曉月隋堤畔殘陽灞水陰年年飄蕩處腸斷白
頭吟

五言排律

水碓

力作資民食機心運入微器隨明智用水截要津
歸雙杵相高下孤輪不住飛青天走雷雨白石富
珠璣農筥欣相負邨春安可希江鄉風景好樂歲

賦無飢

春柳十韻

時客蜀中

占盡青青色江天掩映中千條垂影細一碧向春
融舞逐桃花雨眠歌燕子風妬他芳草綠遮殺夕
陽紅巧轉窺黃鳥驕嘶駐玉驄濃陰渾着水翠浪
欲浮空月淡憐宵映烟輕愛曉籠含姿爭濯濯飛
絮故濛濛灞岸人應老章臺曲未終年年搖颺處
芳恨結蠶叢

暮春同人泛舟過青林禪院小飲即事

一葉漾平川幽尋物外緣鷗藏柳淺踈雨點波
圓棹轉溪如箭林深屋似船香飄花徑曲綠暗石
堂偏掃榻聽松籟披襟鬥雪泉雲門饒逸興廬岳
憶高賢緇白礙同調禽魚亦樂天清機臻妙悟物
理愜精研靜照觀心安怡情逐境遷賞心餘結習
話舊半忘年般若湯浮綠伊蒲饌壓鮮儘容元亮
醉不礙遠公禪白髮今如此黃墟倍黯然
謂故友翰邨也
殘尊含暝色歸路起蒼烟更待天香發還來綉佛
前

雲錦齋詩鈔卷五

一
 二
 三
 四
 五
 六
 七
 八
 九
 十
 十一
 十二
 十三
 十四
 十五
 十六
 十七
 十八
 十九
 二十
 二十一
 二十二
 二十三
 二十四
 二十五
 二十六
 二十七
 二十八
 二十九
 三十
 三十一
 三十二
 三十三
 三十四
 三十五
 三十六
 三十七
 三十八
 三十九
 四十
 四十一
 四十二
 四十三
 四十四
 四十五
 四十六
 四十七
 四十八
 四十九
 五十
 五十一
 五十二
 五十三
 五十四
 五十五
 五十六
 五十七
 五十八
 五十九
 六十
 六十一
 六十二
 六十三
 六十四
 六十五
 六十六
 六十七
 六十八
 六十九
 七十
 七十一
 七十二
 七十三
 七十四
 七十五
 七十六
 七十七
 七十八
 七十九
 八十
 八十一
 八十二
 八十三
 八十四
 八十五
 八十六
 八十七
 八十八
 八十九
 九十
 九十一
 九十二
 九十三
 九十四
 九十五
 九十六
 九十七
 九十八
 九十九
 一百

雲錦齋詩鈔卷六目次

七言律

晚眺偶興

與曼村姪話別

平江旅舍與豫章王魯望夜話小飲

游平山堂

過河中

入連雲棧

劍門

初抵成都二首

關中懷古

甲午除夕雨窗獨飲讀蘇眉山詩漫成
連雨不得游草堂悵然有作

惠陵

和青霞看梅之作

抵西川署晤青霞會錄華山詩寄孫道人存

白雲洞中

歲聿云暮風雨淒其獨客平江意不自聊漫

成志感

題成都董江三太史編輯明詩載英集後

擬征西二首

九江待渡小憩野店題壁

代州旅夜

題豫讓祠

過鸚鵡洲弔禰正平

歷下亭寄懷仲經

壬秋九月晦日得仲經塞上書并繫熱河秋

雲錦齋詩集 卷六
感詩却寄二首

過昇仙橋

重登滕王閣

餞送青霞重游晉中

大風憩沙河橋野菴

題中州旅壁

木威客武昌二月即東歸賦詩留別次韻

歲暮冷泉關曉行

春夜敬業軒同曼村姪小飲分韻

題仲經近稿

越江雨泊

謀野軒春夜與尹扶話舊因拈舊句兄弟高

談一榻風平韻分得兄字

弔鶴和雲籬作

蓬萊閣同人小飲

驪山道上題旅壁

哭徐鱗一業師

重赴都門留別諸同學

雲錦齋詩金
卷六
三
雨後泊吳江偶感

潛山道中

歲暮駿公拉同青霞巖過鶴汀小飲涵碧齋
志興

雲錦齋詩鈔卷六

嘉興沈 廉補隅著 同里金永昌際和校

七言律

晚眺偶興

烟寒柳老錦城東一望江天慘淡中
鴉背風高翻野濶鷺拳沙淺立秋空
蕭蕭落木侵官道脉脉殘陽照故宮
歎息浣花溪上客詩情零落蜀箋紅

與曼村姪話別

燈市闌珊過上元雪花無賴正飛翻
春寒故作離

愁夜別酒彌深骨月言爾固有能還舊業我猶無力整家園傷心南浦年來蹟揮手東風又一番

平江旅舍與豫章王魯望夜話小飲

寒蟿逼戶月初低臯廡清尊喜共攜老去友朋為性命興來談笑吐虹霓生涯漫羨倉中鼠歲月空聞枕上雞酒盡不妨論逸事細將詩派溯江西

游平山堂

千頃邗江落檻前蜀岡迴抱半雲烟游觀直甲東南勝草木猶知六一賢零亂花光人醉後有無山

色鳥飛邊不愁歸路春城黑十里紅橋月正圓

過河中

黃塵漠漠壓征鞍鶴鵲樓前日向殘天入中條青一抹河趨底柱勢千盤彈箏客滿壚頭飲踏鞠人圍柳下看無那長途偏酷暑閒雲不雨自漫漫

入連雲棧

飛棧盤空鳥路分烟嵐霧樹合氤氳人緣蟻垤紛相引風遞猿聲斷更聞百道爭飛天外瀑千峰亂插馬頭雲身當絕勝渾忘險不覺頻穿虎豹羣

劍門

亂山迴抱蜀天昏，雙劍為峰闢一門。
怨鳥三春悲望帝，井蛙當日笑公孫。
幽花怪木隨高下，冷霧荒雲自吐吞。
千載謾多憑弔客，摩崖詩徧綠苔痕。

石壁

多鐫前人題詠

初抵成都二首

望裏西山瘴雨消，一鞭愁破是今朝。
聽猿曾渡三巴水，倚馬初來萬里橋。
客夢未安先掃榻，塵毫無恙試題蕉。
玄亭酒肆空千載，儒雅風流漫寂寥。

浪漫琴書萬里游，詩情零亂一囊秋。
百花潭冷懷工部，八陣圖荒弔武侯。
籠竹翠迷烟際寺，蠻牋紅映水邊樓。
吳儂不作文園客，只愛郫筒酒似油。

關中懷古

河山合沓關鴻蒙，路入重關氣象雄。
花外樓臺迷杜曲，日邊雞犬識新豐。
劫灰幾見昆明後，茂草空留輦道中。
回首蕭條二千載，行人猶指漢離宮。

甲午除夕雨窗獨飲讀蘇眉山詩漫成
今夕何須憶故鄉，多情寒雨引杯長。
置身安得酒

泉郡知我無如蘇雪堂三窟易謀羞見志一錢何
補羨看囊只愁老去梅花笑未必春風解髻霜

連雨不得游草堂悵然有作

開襟久擬浣花游萬里橋邊雨不休靜鎖層陰官
閣暝遙憐獨樹草堂秋白沙翠竹遺情遠藥裹書
籤入夢幽我亦南鄰舊朱老平生心醉錦江頭

惠陵

莽莽珠邱衰草凝天迴玉壘尚雲蒸大風一脉承
炎漢野老千年識惠陵豈意吞吳師遠喪曾聞遺

詔涕沾膺定軍坏土忠靈在西顧猶應痛不勝

和青霞看梅之作

寒深官閣歲將除香破南枝點雪初肯遣鄉愁春
共亂祇憐花格老逾踈冰霜不信成今我氣味還
如讀舊書明月溪山家萬里幾回索笑倚闌餘

抵西川署晤青霞會錄華山詩寄孫道人存

白雲洞中

悠悠世事了無干剝得胸中一華山老友相憐聊
跌宕白雲應笑太癡頑敢誇意出風塵表但以心

存水石間併語空巖舊猿鶴往來好為護松關
歲聿云暮風雨淒其獨客平江意不自聊漫

成志感

蕭蕭落木打江干搔首西風獨倚闌民力東南堪
再竭長安棋局笑傍觀徒聞有詔徵名士肯信無
人賦素餐咫尺鄉園歸思切漫勞重觸杞憂端

題成都董江三太史編輯明詩載英集後

風騷採徧劍南春三百年來迹未湮斷簡雲烟悲
異代空山風雨哭遺民天荒地老名常在玉白花

紅眼一新識得寸心千古事焚魚學士是功臣

擬征西二首

征西忽報羽書馳萬里觀兵絕塞時豈是廟謨勤
遠略祇緣屬國望王師旌旗夜捲星河動沙磧朝
連鼓角悲却愧白頭餘壯志臨風空憶傳修期
聖主懷柔將帥雄一時談笑靖西戎光搖荼火三
軍甲聲振龍沙萬里風刁斗擊殘邊月冷欃槍掃
盡塞天空只看奏捷甘泉後從此中原息戰功

九江待渡小憩野店題壁

披襟小憩酒壚邊
眼洗炎塵意洒然
官井分泉轟渴馬
江風顛柳咽驚蟬
映來斜照低湓浦
畫裏征帆沒楚天
廿載馳驅笑生計
何時真上五湖船

代州旅夜

健馬嘶風驛路平
雁門北望塞天橫
一坏草沒蒙恬墓
萬里秋高廣武城
葱肆雲屯人蹋踘
酒樓月湧客調箏
却慚短劍花零落
獨客關山白髮生

題豫讓祠

豫讓至今存廟貌
夕陽拜手不勝情
一朝義憤身

遑惜千載鬚眉氣
尚生士固要為知己
死名尤難得
趙襄成風塵我亦依人者
肝膽因君已早傾

過鸚鵡洲弔禰正平

江山迴抱楚天開
鸚鵡洲邊土一坏
搗鼓未消當日憤
殺身猶使後人哀
原無狂士能容世
豈有英雄不愛才
千載名高文舉表
何須更罪阿瞞來

歷下亭寄懷仲經

百花橋畔晝冥冥
駐馬來尋歷下亭
片雨洗開殘照白
衆山飛入畫欄青
濟南名士空荒草
濠濮風

流感曉星獨坐瀟瀟疎竹裏幾回搔首賦雲停

壬秋九月晦日得仲經塞上書并繫熱河秋

感詩却寄二首

西風颯颯雁南翔洛浦書來感倍長廿載髣髴燕

嶺雪一囊詩老塞天霜前期五岳輸禽尚夙好平

生見惠莊此日萍踪同伏櫪憐君猶得遇孫陽時在

孫尚書署

削迹吾慚架上鷹都消往日意飛騰浮雲去住餘

雙眼同學輕肥乏五陵安得長年如太古更無世

路不春冰窮愁剩取書堪著應怪虞卿老未能

過昇仙橋

昇仙橋上懷司馬橋下依然錦水流仗劍誰憐身

去國揮毫想見氣橫秋豈期狗監能青眼翻使文

君感白頭不識繡衣乘傳後可曾戀戀鷓鴣裘

重登滕王閣

澄江猶捲畫簾中見說頻經劫火紅誰復筵開重

九日更無人借馬當風漁歌斷處烟橫浦帆影飛

來浪打空十載楚天重回首落霞歸雁自西東

錢送青霞重遊晉中

與君十載共依劉聚散頻年不自由觸緒鶯花連
驛路銷魂風雨滿江樓酒闌更勸一盃盡老去猶
孤五岳游計日相逢舊知己故鄉真箇是并州

大風憇沙河橋野菴

驚鴻拍水天欲昏解鞍撥火松窗溫落日已暗瀛
海驛寒雲正壓沙河村風林鐘響作鯨吼石鼎茶
沸如川奔山僧索書謝不敏放歌叉手歌霜根

題中州旅壁

底事飄零老未休往來傳食宋諸侯放歌梁苑三
更月濯足洪河萬里流葉落空囊羞著句花寒短
劍笑橫秋吹臺高杜流風邈千載蕭條憶此游

木威客武昌二月即東歸賦詩留別次韻

明河初抹楚雲輕忽促歸裝喜且驚酒載離亭澆
別緒帆張秋色走江聲須知白髮名尤重休悵黃
金骨未成愧我天涯長浪迹徒誇老馬尚能行

歲暮冷泉關曉行

凍合關山去路賒馬蹄積雪襯銀花曉星幾樹動

寒澗殘月一鞭飛亂鴉古驛亭前餘戍火荒雞聲
裏見人家并州已是三年客轉歎勞生未有涯

春夜敬業軒同曼村姪小飲分韻

玉河寒壓未融冰燕市春暄已試燈小飲聊為今
夕永劇談頗怪阿戎能肯徒飽羨倉中鼠只笑癡
成驥尾蠅漏斷摩娑措醉眼梅花枝上月初升

題仲經近稿

鄴下流風妙獨傳蓮花府裏種書緣掇空玉藻開
詞苑剖盡珠胎瀉寶船後學當年咸下拜國門此

日可高懸平生蕭瑟蘭成意聲動江關老更憐

越江雨泊

短棹殘年任所之真成驚鵲未安枝客愁寒雨連
江夜鄉夢梅花逼歲時燈火有情吟獨絕乾坤無
地賦棲遲平生萬里關河興剩有飄零酒一卮

謀野軒春夜與尹扶話舊因拈舊句兄弟高
談一榻風平韻分得兄字

東風舊榻不勝情老去忘形見弟兄往事驚心過
廿載小窗剪燭話三更園中桃李輸良會夢裏江

雲金齋詩金 卷六 九
湖媿此生太息夜闌清似水春星半帶草堂橫

弔鶴和雲籬作

矯矯胎仙羨不群一朝夢斷九臯雲霜翎頓失風
前舞清唳猶疑月下聞銘石他年誰記瘞床琴此
日併須焚翩翩當爾乘軒去好向三山伴衛君

蓬萊閣同人小飲

蓬萊閣上海天開萬里風前酒一盃百谷蒼茫全
潤下三山縹緲欲飛來曾聞漢使乘槎去不見秦
人採藥回笑我真成游汗漫魚龍偃卧莫疑猜

驪山道上題旅壁

馬首黃塵壓客肩亂山合沓繞吟鞭五雲暗鎖關
中路八水遙吞塞外天花落已消傾國色草深猶
見廢宮泉解囊沽得新豐酒那惜狂歌放日邊

哭徐鱗一業師

綵毫秃盡負明時七十蕭然兩鬢絲一代文章誰
定價百年弓冶不勝悲伯牙絃絕音空在屈子江
深弔莫知最痛師恩同顧復彌留遺語沁心詩

五月

二日師易箒時猶口占二絕有匆匆
收拾雲山去那有詩懷弔楚魂之句

重赴都門留別諸同學

有幾鄉園耐久朋最難長共讀書燈論心重悵荒
雞隔識路多慚老馬能別酒當花飛片片離烟冑
樹去層層買山亦是尋常事無奈生平得未曾

雨後泊吳江偶感

幾度垂虹橋下泊重過此夕倍蕭然三更酒醒江
干雨一葉春浮天上船歲月無端成汗漫詩書長
笑等雲烟風流輸與山陰老歌吹聲中爛醉眠放翁

聽雨詩云憶在錦城歌
吹海七年夜雨不曾知

潛山道中

春好江南半月晴馬蹄踏徧草痕青平疇花作黃
金埒斷岼山開碧玉屏綽約蜨從沙際舞縉蠻鳥
向柳邊聽村邨酒旆渾無賴颺殺東風不肯停

歲暮駿公拉同青霞巖遇鶴汀小飲涵碧齋

志興

水竹蕭騷半畝齋紅爐小坐足開懷酒方吳苑蘭
陵美魚比秦川丙穴佳絕俗高談餘跌宕無稽觴
政出詼諧入林大有風流在歲月何妨麩蘖埋

雲錦齋詩鈔卷六

雲錦齋詩鈔卷七目次

七言律

壬戌初夏劉延青總憲視海還朝舟次話別
梁瑤峰舍人載酒同人游南湖烟雨樓集浮
玉亭分韻得南字

夏日煮雪軒讀白香山林下避暑作有熱鬧
漸知隨念盡清涼常願與人同之句同人
分賦拈得天字

八懷詩

汪彙征

姚秋田

濮升旭

陸龍舒

吳綉谷

吳海安

藝齋

青林上人

曉渡潯陽江

鄧尉看梅

南滄生日詩

朱節母詩

勞副憲介巖先生輓詞二首

苦雨次王魯望韻

歲暮客窗同羅頤軒作

古虞道中寒食有感

白沙嶺

錦城春望

雲錦齋詩金
卷七
二
秋夜偶感

歲暮游赤城山

中秋後三日陸倣巖太常舉十老會集敬思
堂十老者為顧書長嚴叔子季重徐丙修
彭賡唐李東陽家聞于嗣立子安暨余也

輓錢宗伯蕉山

哭璞完姪四首

表忠觀

謁于忠肅公墓

楊忠愍祠

七夕讀辨香庵集孫澹軒少師擁書堂詩感
而賦此並次其韻

聽雨和慎初上人

送楊文淳重游山左

和濮元芳讌集王蓮艇明府署中原韻

與秋田飲楫兒以鐵笛求詠拈得知字

次韻酬頤軒

過膠城清廉書院拜陸稼書先生像

錢塘觀潮

魚龍混跡浪長天，萬壑奔騰勢欲旋。

火燒雷轟撼地靈，

吹沙噴石激江聲。

呼驚天姥遊魚舞，

立謝文翁活海靈。

漸近江心浪愈大，

一聞人語便心驚。

雲錦齋詩鈔卷七

錢塘觀潮

雲錦齋詩鈔卷七

嘉興沈廉補隅著同里金永昌際和校

壬戌初夏劉延青總憲視海還朝舟次話別

三載相逢清晏日，輕舟談笑動關河。

風高裘帶人如玉，氣靜蛟龍海不波。

白髮難忘先德在，青雲偏繫別情多。

平泉他日如鄰近，畦疇猶能曳杖過。

梁瑤峰舍人載酒同人遊南湖烟雨樓集浮

玉亭分韻得南字

雲錦齋詩鈔

卷七

七言律

雲錦齋詩集 卷十
一
天空落木淨寒潭畫裏樓臺載酒探雨映楓林霞
散綵烟橫鷗渚水接藍傾心縞紵成膠漆抵掌風
雲寄笑談他日往來成逸事旗亭畫壁又江南
以正夏日煮雪軒讀白香山林下避暑作有熱鬧
三清賦漸知隨念盡清涼常願與人同之句同人
王分賦拈得天字
坦腹高齋手一編香山妙句讀脩然紅塵眼底空
諸有白髮宵中闢洞天何處秋風揚柳館誰家醉
月藕花船同心曠世人千古難得清涼見在緣

八懷詩

汪彙征

髯也脩然白髮餘滄浪亭畔結茅廬當歌酒滿愁
何在謀野心空氣自舒夜月梁間常繫夢故人花
外幾回車羨君饒有天倫樂分罷餘甘看學書

姚秋田

詩筒三載往來頻好事無如我兩人魂夢何曾忘
此樂天涯真信若比鄰看花湖上應攜酒踏雨城
南幾墊巾妬殺先生計好獨憐白首尚風塵

雲錦齋詩鈔 卷七
南溪楚漢升旭
角里先生應得意具區湖上好書齋主人愛客猶
來少弟子能文亦復佳搖筆鳴欄山似黛坐花月
榭酒如淮獨憐海岱飄零者每憶風流一愴懷
十載情親惟大陸驂騮千里歎空群誰能肝膽常
時熱不獨才名入洛聞倚劍共歌燕市酒開襟獨
攬武夷雲淒清風雨西窗夜每聽荒雞倍憶君

吳綉谷

鄉園往往話酸辛百鍊文章百折身親在曾為彈
缺客名孤未作看花人月泉莫漫論招隱陋巷還
應有賀貧回首河梁倍惆悵銷魂三見柳搖春

吳海安

吳質風流老不磨近聞得子喜如何漫愁囊底金
錢少祇怪江頭酒債多散帙猶堪傳素業看花且
復縱狂歌湖山別後曾無恙應待歸人抱甕過

藝齋

聞君偶賦鄴城游好借清漳蕩旅愁脫帽酒邊頻

看劍放歌花裏獨登樓青檀舊業心猶熱玉燕平生願已酬昨秋聞納寵近早晚詩書應漫卷有人天際識歸舟

青林上人

嘗憶青林萬綠中往來不染點塵紅萍踪一別浮滄海茅屋三千夢已公世出真無蔬笋氣心傳妙有廣巖風他年好待尋廬岳禪榻茶烟話轉蓬

曉渡潯陽江

鯉魚風打曉江橫五老峰前一葉輕九派驚濤下

三楚千尋翠黛壓孤城樓臺歷歷烟中見鷗鷺翩翻沙際迎莫向琵琶亭畔望當年司馬最傷情

鄧尉看梅

畫裏雲連鳥路長花明如海晝茫茫望來直恐雪霜逼坐久不知心骨香索笑猶憐禪榻畔移情最在酒壚傍他年縱不能重到月老參寒夢肯忘

南滄生日詩

先生天上酒旗星一落紅塵不願醒儘許山川供跌宕更教花月慰飄零牀頭肯惜黃金盡鏡裏猶

憐旅鬢青把臂他年休忘約糟邱須早築西冷

朱節母詩節母之母夢吞梅花而孕節母

壺儀冠絕越江干卅載冰霜徹骨寒有志便稱才

未易無瑕方見玉為難髻絲織老機中月血淚培

成砌下蘭况是梅花生最異不應僅作柏舟看

勞副憲介巖先生輓詞二首

獨立霜臺挽百川丹心老更愛孤懸雲霄彌痛批

鱗日風雨猶傷去國年忠藎長留狐史上蒼黎曾

哭馬蹄前公任副憲時凡濟國澤民之事即具章奏當宁皆俞允而倉糧一疏尤深嘉

與凡輦下旂民以及四方流寓者靡不鼓腹感頌及公言國本事禡職南歸都人士哭送於國門之外者萬餘人皆欲詣闕請留公慰止之那知竟不東山起長向白雲

深處眠

論詩每聽天家漏乙酉春廉游金臺下榻公寓嘗辱論詩至夜不倦命酒

曾移雪舫星辛卯春廉適旋里謁公於冰雪舫中款洽竟日十載依違猶

浪迹一朝語笑失芳型功名肯薄匡衡疏德業爭

傳韋叟經獨向蠶叢歌薤露悲風萬里起滄溟

苦雨次王魯望韻

越天四月渾疑漏庭草池蛙日日生仰屋真成無

雲錦齋詩金 卷七 五
奈想到窗都作打愁聲亭臺幾見花長好雲漢空
懷月朗行歎息勞生風雨裏年華不獨負春明

歲暮客窗同羅頤軒作

冰雪衙齋白日懸素心相對轉脩然馴堦鳥雀喧
逾靜落紙烟雲凍益妍事不近名寧見癖人能遠
俗便稱賢春來好辦尋詩屐一任梅花笑客顛

古虞道中寒食有感

古虞城頭噪朝鴉東風颯颯颺飛沙兒童折柳又
寒食桃李向人皆開花獨慚懷缺方浪跡安得負

米便還家白雲不知游子意望眼遮斷天之涯

白沙嶺

白沙嶺上萬松圍策馬登登上翠微雪瀑忽驚翻
絕壁風花時復點征衣參差鳥影天心落縹緲鐘
聲澗底飛回首龍眠青不了暮雲斷處一樵歸

錦城春望

晴開雪嶺翠重重高下樓臺掩映中舞柳渾迷司
馬宅啼鶻只傍蜀王宮酒帘幾處颺斜照牧笛一
聲吹晚風杜老柴荆春獨遠桃花千載為誰紅

明河抹樹月朦朧吹殺江城五夜風浪蹟自憐同
越鳥生涯真愧比焦桐一壺阮籍厨中酒四壁歐
陽賦裏蟲客到蜀天人易老悲秋不獨浣花翁

歲暮游赤城山

赤城山下朔風號笑我冥搜不憚勞斷澗碧沿松
逕遠寒霞紅鎖洞天高相逢老衲如麋鹿話到浮
生等羽毛寄語營營塵世者有能來此即仙曹

中秋後三日陸倣巖太常舉十老會集敬思

堂十老者為顧書長嚴叔子季重徐丙修
彭賡唐李東陽家聞于嗣立子安暨余也

秋爽高齋敞碧虛桂花香裏引簪裾人皆甫里先
生舊我更香山九老餘樂地琴尊寬禮數素心歲
月足田廬西豪千載流風在再見占星太史書

輓錢宗伯蔗山

鴻才早歲拔千尋白髮容臺只素襟碩望豈因時

論少

蔗山自邑宰游歷大宗伯心存匡濟甄拔幽

以法以此頗蓄眾怒歸休終沐主恩深田園遑計傳家事湖

海猶知下士心歎息硯雲堂上月森森喬木鎖清陰

哭璞完姪四首

藿食鶉衣獨苦辛天教消受阮家貧文章嘔盡平

生血家事摧殘六尺身飢奈驅翁方入粵愁偏滯

我漫歸秦家孟自庚辰秋適粵東余自辛巳冬十月既望從漢南抵家健姪已歿于秋九月廿七日矣傷心遺語勞勞說惟有生前父叔親健姪

時語家人云我父出門後親黨咸余棄今日疾篤實憂憤所積惟補隅叔真愛我者若使在家決不至此言

畢而絕

南樓憶別把離卮便是生前永訣時丁丑春二月余適蜀中飲

別於南樓烟雨魂消燈一點風霜情話淚千絲家居方

苦親垂老入世猶憐叔尚癡今日慟伊兼自慟平生

生心跡少親知

青山有約待身閒萬里歸來見蓋棺燕嶺他年空

植桂謝庭從此不栽蘭困臨楚水元無濟孟浩然詩云欲

濟無舟楫健姪別獻荆山璞幸完健姪自應童子

舊名元濟故云地府定憐天下士不應也作布衣看

日益有名奈數竒不偶

廿七年間事事窮傷哉爨下問焦桐一編遺玉傾

雲錦齋詩少

卷七

七言律

前輩

健姪自父客粵後著有文集為博山張先生所歎賞有才子之目

萬里將心

侍阿翁楊柳悲沉吳地月梅花歎斷粵天風從今

陟岵無人詠塵硯殘毫總帳空

表忠觀

當年五季同烟滅俎豆天存一世家但使東南歸

保障不求圖識敵中華

武肅時有青鳥術士說王若填西湖之半王業可卜

千年武肅曰豈有千年之內無真主出耶雄風尚想潮頭弩軼事猶傳

陌上花西子湖邊謾憑弔斷碑風雨老龍蛇

謁于忠肅公墓

前朝太傅于忠肅功烈兒童頌到今誰使宸旒蒙

土木翻教碧血痛消沉山河獨挽經綸手日月常

懸社稷心毫髮何曾有遺憾白雲堆裏笑歌深公遺

詩有長嘯一聲歸去也白雲堆裏笑呵呵之句

楊忠愍祠

除奸曾讀先生疏報國寧知更有家絕學再傳揚

伯起孤忠不獨沈青霞金臺碧血含生氣喬木靈

風哭暮鴉二百年來香一瓣爐烟猶繞故宫斜

七夕讀辨香庵集孫澹軒少師擁書堂詩感

而賦此並次其韻
 商飈策策響庭柯太息良宵寂寞過肯信有生消
 鐵硯只憐無地挽銀河眼因忤俗青偏少髮為悲
 秋白轉多輸與當年老詞伯醉眠東閣縱狂歌
 聽雨和慎初上人

陰陰綠野遍呼鳩終日西窗搔白頭薜荔墻頭空
 望月芭蕉葉上若驚秋風香水冷吟新句江濶雲
 低憶舊游蔣捷聽雨詞有江濶雲低之句笑我清狂同蔣捷髻絲
 禪榻蕩閒愁

送楊文淳重游山左

攬轡翩翩羨壯遊十年長劍氣橫秋開襟再渡洪
 河水貫酒先登太白樓風雨有時驚綵筆笑談到
 處動諸侯懸知千載名難老碧海鯨魚掣肯休

和濮元芳讌集王蓮艇明府署中原韻

赤欄橋下碧波長塵遠衙齋水竹芳脫略冠裳心
 易醉笑談冰玉座生光花明北陸渾忘暑興逸南
 山更進觴河朔風流重回首先生應最愛清狂
 與秋田飲楫兒以鐵笛求詠拈得知字

夜深方倒花間卮兒曹求詠蕤賓遺老鐵偏能作
絕響橫玉已覺無竒姿月出一聲山石裂波騰千
尺魚龍悲劉蕪去後不復聽此笛可惜人未知

次韻酬願軒

三秋梁月夢長懸此日相逢豈偶然湖海心空常
獨往詩篇老去不爭妍淵明絕俗寧忘仕元叔清
狂固自賢重與論文共尊酒一燈紅照兩華顛

過膠城清廉書院拜陸稼書先生像

心傾兩世葭莩好今日登堂始拜公理學咸推傳

白鹿典型猶在識清風批鱗獨見千官裏駐足能
從萬馬中五百年來紹濂洛棠陰滿院夕陽紅

錢塘觀潮

初看一線中壘上忽聽輶雷動九區氣拔半空銀
海立光分萬道玉龍趨當年强弩開王業此日游
人話酒壚回首江天渺千里西風落日弔靈胥

漢州懷蘇雲卿先生

憩山岡樹下偶占二絕

新都懷楊升菴先生二絕

夢中飲燒春而醉得五絕一首既醒不遺一字

畫蘭為金子際和題

杜鵑

龍山夕照

小菊一本秋盡始花無日不雨感作

種菜

題畫鷹

戲題出塞圖

六言絕句

曉入潼關

山徑

七言絕句

正月十三夜

黃梅道中

廬山下口占

北行

驪山

渡咸陽

馬嵬

二疏大夫故里

題英雄奇遇處

江行二首

滁州訪醉翁亭

感事二首

戲題楊妃春睡

錦江看桃花次三十六峰老農韻

棧中述哀二絕

雪中出邯鄲道

過平原君故里

題蔡中郎祠壁

過霸橋

雨渡楊柳津

雲錦齋詩金 卷八
三
桃源雨泊用唐人楓橋詩韻

題李太白酒樓

重過邯鄲題旅壁

吳城野望懷舊口占

出山留題松間

河東署中送吳蒼雷重游武夷

送友至武陵

秋日寄懷秋田即次送別韻

讀書四首

題長沙彭彥升把酒聽鶯圖

李杜氏貞烈詩

游靈巖山

煮茶亭

得秋田書問次韻酬寄

浦山為余寫水村亭榭便面口占

對雪戲占

秋日過南湖有感

哭鄭澹園二絕

虞山程西渙以七世祖尚書源伊公滇南撫

彛圖囑題

題辨香詩稿

羽扇

秋砧

銅雀硯

秋日谷隱山房東炳乾上人

題辨香先生詩話後

程母節孝詩

讀昌黎先生柳子厚墓誌銘偶成一絕

初夏晚霽

題烟雨樓二絕

題內曾祖屠貞一公看菊遺照

秀林姪從白蓮慎初祝髮名際徹作詩留別

戲題詩集後

發潯陽江口占

江勢秋逾壯風帆滿意開廬山如愛客枕上送青
來

自千尺嶂下青柯坪憩松下

人從天上來幽襟盡山色解帶憩松風猶是三峰
客

金波道院尋陳道士不值

竹裏昨尋師聽談出塵曲重來不見人琴聲猶在
竹

過德陽姜孝子故里

孝哉姜士游豐碑表閭里低徊馬足間萬里慚游
子

彌牟鎮觀八陣圖遺址

雄圖留八陣草木尚悲風歎息降王去空埋漢土
中

漢州懷蘇雲卿先生

昨從東湖來曾訪灌園蹟今過先生鄉居然似相
識

憩山岡樹下偶占二絕

駐馬憩山岡清陰下高樹笑看閒雲飛不作今朝
雨

山靜涼自生天空響飛瀑一聲林鳥鳴幾片巖花
落

新都懷楊升菴先生二絕

絕學龍頭彥風騷談笑還那教痛時泪洒向點蒼
山

金蘭叶琴瑟史筆寄琵琶癡老虞翻骨行歌雙髻

花

夢中飲燒春而醉得五絕一首既醒不遺一
字

燒春洗窮骨齒沁梨花香明月落何處春愁隔醉
鄉

畫蘭為金子際和題

洒然王者香妙得所南意羣芳艷上林何如空谷
寄

杜鵑

雲錦齋詩集 卷八
三
叫斷枝頭月啼殘故國春年年無限恨只是勸歸人

龍山夕照

嵐光射西日搖蕩虛無間劃開珊瑚海湧出金龍山

小菊一本秋盡始花無日不雨感作

蕭散傲霜枝垂頭倚籬脚雖向雨中開不向雨中落

種菜

大耐風霜苦曾無雨露私從來天下事只有菜根知

題畫鷹

毛骨逼陰森軒然欲出林終朝懸素壁不敢過飛禽

戲題出塞圖

紫塞連天遠黃沙撲面飛丹青千古恨猶忍繪明妃

六言絕句

雲錦齋詩金 卷八
四
曉入潼關

河漢半規殘月關山幾點春星遙望孤烟起處亂
鴉飛噪郵亭

山徑

千仞蒼厓陡闢一條略約橫將截出秋空無際着
他一片蒼涼

七言絕句

正月十三夜

火樹燒殘玉漏遲留歡更盡兩三卮夜闌江閣酒

初醒月在梅花人不知

黃梅道中

驛亭風柳颺春酣點點飛花糝客驂一角楚天橫
馬首飛來山色是江南

廬山下口占

千峰馬首插峻嶒想見棲賢最上層滿眼白雲如
舊識前身可是六朝僧

北行

再渡桑乾已十年西山蒼翠故依然蹇驢日在風

雲錦齋詩金 卷八 五
塵裏踪蹟真成賈閬仙

驪山

錦樹千章落照遲銷魂繡嶺似當時佳人一笑千
年恨烽火纔消又荔枝

渡咸陽

秦殿消殘漢業空劫灰吹盡野棠紅橫鞭立馬咸
陽渡渭水無情獨向東

馬嵬

銷盡當年傾國顏一坏香土夕陽間可憐回首驪

山月曾照三郎去蜀還

二疏大夫故里

漢代衣冠里尚存當年歸老望彌尊賜金不作箕
裘業留得高風與子孫

題英雄奇遇處

衛公人傑髯公俠事業殊途意氣真不是紅顏雙
俊眼英雄相識賴何人

江行二首

鷗泛雲飛去棹遲漁歌杳杳夕陽時富春山下江

如練不見風流黃大癡
晚風吹浪雪奔騰繡嶺雲連翠萬層買得餘杭一
尊酒夕陽江上弔嚴陵

滁州訪醉翁亭

繫馬環滁山色中釀泉流出落花紅風流曠世文
章在獨向殘陽弔醉翁

感事二首

盛典旁求拔俊英更無處士盜虛聲那知郿塢金
千斛就裏難沽一代名

斜陽柳市南頭路晚步歸來歎息餘葱肆人談天
下事蠶筐紙售故家書

戲題楊妃春睡

花暖深宮日正長輕綃半捲合歡床仙雲未引三
郎至睡足春風醉海棠

錦江看桃花次三十六峯老農韻

桃紅如雨草如烟一片春浮江上天怪道顛狂杜
陵老看花惱亂自年年

棧中述哀二絕

雲錦齋詩少

卷八 七言絕句

酸風血淚滿麻衣萬里西川哭母歸行到嘉陵天
欲暝哀猿啼處白雲飛

廿年辛苦為身謀老去無成賦浪游今日終天彌
抱恨見人應恥說依劉

雪中出邯鄲道

十月京南大作寒滿天風雪壓邯鄲休嗟行路難
如此也作黃梁夢境看

過平原君故里

昨過夷門涕滿膺重經趙地慨彌增侯嬴遇固殊

毛遂不哭平原哭信陵

題蔡中郎祠壁

雁落沙明秋水寒中郎祠畔碧梧殘二千年後焦
音絕安得先生起再彈

過霸橋

雲沙馬首渺無痕古霸橋頭落照昏兩岸高山千
樹柳不須風雨亦銷魂

雨渡楊柳津

喚渡亭前雨暗春建昌城下漲痕新却看津柳無

情極送老年年渡水人

桃源雨泊用唐人楓橋詩韻

枕上洪河浪接天一燈寒擁雨衾眠輸他漁父生
涯穩淺水蘆花不繫船

題李太白酒樓 德安

太白風流迹未亡江山千載酒樓香先生醉眼明
如月獨識汾陽異姓王

重過邯鄲題旅壁

望裏金臺十丈埃廿年前記此遲徊何曾想作黃

梁夢又向邯鄲道上來

吳城野望懷舊口占

極目林臯入杳冥好山一點露支硯素心書屋人
何處武子橋邊柳自青 孫武子橋老友毛
衣儒故居之所

出山留題松間

吹落天風縹緲中白雲回首鎖重重明朝便踏紅
塵去心在蓮花第一峰

河東署中送吳蒼雷重游武夷

東望吳山道路長客心一倍感離觴西風足馬三

千里雲裏看君度太行

送友至武陵

三月巴船正好乘白鹽山外楚雲凝看君獨棹桃花水一路春隨到武陵

秋日寄懷秋田即次送別韻

通家道義篤荀陳白髮情親語笑真學力平生君不忝少時忘食老忘貧

讀書四首

小榻香清群息初客襟如水意蕭疎滿庭梧葉半

規月人在秋聲裏讀書

溫故如回攬味初沉吟頻剪燭花疎眉山妙論留侯事圯上相逢不在書

達用應須慮厥初青苗法令一何疎荆公學術殺天下何似臯夔不讀書

憂患寧從識字初窮愁端為學空疎只嗟半部行難盡常怪人求未見書

題長沙彭彥升把酒聽鶯圖

春暖瀟湘柳浪催開襟隨意坐蒼苔眼前別自有

雲金言金
卷八
一
天地黃鳥一聲酒一杯

李杜氏貞烈詩

夙締絲蘿雨露深
雙星忽訝判辰參
傷哉留得金閨月
長照重泉一片心

遊靈巖山

老衲相逢話夕陽
坐來石上落花香
美人已化行雲去
碧月空懸響屨廊

煮茶亭

禪翁詞伯此留連
芳蹟消沉七百年
想見披襟談

妙諦落花風裏孃
茶烟

得秋田書問次韻酬寄

辛苦殘編五夜陳
老而好學意彌真
年年門巷清如水
不識何人解賀貧

浦山為余寫水村亭榭便面口占

何當松竹解塵顏
也結茆亭著老頑
只恐苧村虛設想
鄉園無此好溪山

對雪戲占

滿眼飛花大作寒
羊羔錦帳固須歡
陶家紅袖曾

烹試風韻雖佳氣味酸

秋日過南湖有感

湖天冷浸蓼花秋
耆舊風騷逝水流
荒草斜陽映
淒絕辦香閣並水明樓

哭鄭澹園二絕

七載交情道義殷
幾番聚散感浮雲
今朝腸斷扁舟客
萬里歸來不見君

但得清名映九原生前
何用慕高軒
從今地府修文侶
添个青衫鄭澹園

虞山程西渙以七世祖尚書源伊公滇南撫

彛圖囑題

故老蕭條道自尊
履聲不作典型存
只嗟六詔遺民盡
誰問傳香七葉孫

題辦香詩稿

神寒骨重玉無瑕
高士風詩亦國華
誰爇南豐香一瓣
名山千載幾名家

羽扇

紅蓼灘頭剪雪衣
風前猶借羽毛奇
莫教輕為元

規障好與西涼作指麾

秋砧

梧桐深巷葉紛飛一片砧聲徹夜闌不信家家擣
明月有人歎息賦無衣

銅雀硯

臺瓦猶存劫火餘不隨香履并消除千年雖識曹
家物誰忍臨池寫漢書

秋日谷隱山房柬炳乾上人

山空人靜怡情處菊艷菱香最好時他日應留佳

話在白頭禪榻細論詩

題辨香先生詩話後

竹風清絕灑吟檐閒把宜山詩話參依舊南湖清
似玉風騷誰繼辨香庵

程母節孝詩

坤史千秋正氣存傳香不盡好兒孫君看如玉南
湖水映澈程家節孝門

讀昌黎先生柳子厚墓誌銘偶成一絕

韓柳相知道義深臨文未肯少違心千秋褒貶無

雲錦齋詩金 卷八
容隱猶有人傳諛墓金

初夏晚霽

柳橋雨過人垂釣
荻浦風生客挂篷
一餉銜杯看返景
不知詩在綠陰中

題烟雨樓二絕

乍濃還澹烟生態
欲歇猶飛雨有神
畫不能傳烟雨妙
却教吟殺倚樓人
漁榔斷處點鷗鳧
縹緲波光淡欲無
若得飛來峰幾朶
南湖便作小西湖

題內曾祖屠貞一公看菊遺照

方袍落落角巾偏
栗里風流尚宛然
五世弓裘痛零落
鬚眉不改菊花前

秀林姪從白蓮慎
初祝髮名際徹作詩留別
塵夢靈明徹五更
水雲鄉裏證無生
宗風好繼蓮池老
七筆消空萬劫情

戲題詩集後

黃金散盡老猶癡
湖海平生只自知
萬首詩存三百首
未妨賣弄有家私

雲錦齋詩鈔

卷八

四

雲錦齋詩鈔卷八

毘陵吳令聞書



